

T5236.0/4432

25

文翰類選大成

文翰類選大成卷第六十七言律目錄

元

薛宗海計八首

柯敬仲六首

黃潛卿

計四首陳眾仲計八首

傅與礪計三首

柳道傳計二首

張仲舉

計八首趙希頊計一首

甘允從計五首

貢泰甫計五首

余廷心

計一首倪元鎮計七首

薩天錫計三十首

方求

計一首

張伯雨

計九首鍾伯紀計一首

元復初計三首

辛好禮計十二首

楊廉夫

計三首定子靜計二首

蕭宇

計二首

哈佛大學
圖書館
珍藏印

文翰類選大成卷第六十七言律目錄

文翰類選大成卷之六十

左長史上海李伯璵編輯

伴讀慈谿馮厚正

詩類 七言律

元

送柳湯佐

薛宗海

太行盤踞勢巖々五馬初行衆具瞻他日去思應借寇此時
來暮正歌蕉七賢舊竹風流在萬善新茶歲貢兼莫謂名邦
天稍遠飛龍曾向此中潛

送趙虛一降香至南海廬山會稽

天香分下殿西頭處士今乘使者騶曾是騎麟駮北斗真成
跨鶴過揚州山中五老應相識海上三神亦易求勾越東南

仙柱觀神光依舊貫林丘

題趙顯卿友義卷後

古稱燕趙多豪俊今向燕山得趙君中歲挂冠心似水閑時
說劍氣如雲墳篋每為家聲合囊橐曾因友誼小七十長年
天所相名駒汗血更超群

和太子贊善馬祖常無題韻四首

羽林垂彩動天江幕府光懸白玉幢吏法有章皆畫一將壇
得士故無雙臺中長夏霜凝簡掖內通宵霧斂窓若使九門
容徑入肯思岩隱抱流淙

良人執戟侍明光誰與金爐共夕香粧鏡曉寒凝蝶粉舞衣
春暖卻鴛鴦渡江桃葉應憐我照水荷花似見郎歎息寒
蕪復理愁思搵手為縫裳

乘槎准擬逐秋潮却訪城東萬里橋滄海有山皆縹緲青雲
無路不迢迢閑居潘岳驚斑鬢歸去陶潛懶折腰後夜相期
明月上露臺高處弄笙簫

驥服鹽車兩耳垂臂空九折不成醫欲尋箕穎終逃世苦恨
章逢不入時金井蛩鳴知露濕銀河鵲度看星移長貧久客
應無補擬挽滄江塞漏卮

壽承旨張疇齋

鍾王書法得精微每日霜毫不厭揮相業曲江金鑑錄幽懷
西塞綠蓑衣蟠桃開日三千歲古柏參天四十圍應與赤松
相伴約他年名遂早知幾

夜歸

有客有客胡不歸長安三見秋葉飛警霜老鶴夜不寐而月

切姓好

孤鴈寒無依，紛紛比里厭。梁肉落落西山甘，厥薇人生窮達各有命，何須終夜泣牛衣。

○ 閑閑宗師生朝

天征子月一陽回，春入環樞已放梅。壽酒淋漓傾九醞，仙階縹緲接三台。函關昔日青牛度，華表他年白鶴來。更向何方覓蓬萊，帝垣東畔是蓬萊。

送楊仲弘編脩

今代揚雄更絕倫，布衣一出便詞臣。眼空四海譚無底，肯著千年汲愈新。芸暖旨書逢閣曉，花明劔佩鳳池春。傳聞賈傅初歸國，亦有當年共策人。

馬元博下第歸松江省親

水落蓬飛天已寒，東書火急出燕山。霜蹄暫蹶終超忽，風翮

高搏祗等閑。文度且應歸膝上，士龍能久在雲間。深秋送盡南轅客，一夜思家鬢欲斑。

送杜清碧入京

土笥峰前久白雲，銅駝陌上暫紅塵。有書未肯干時宰，命駕惟應訪故人。滄海魚龍波浪濶，願厓草木雪霜頻。逢時少試經綸手，回首山林迹未陳。

風雨蓬蒿病已侵，那堪送遠更秋深。離情不斷干尋緷，高義難磨百鍊金。喬木參天元有節，閑雲出岫本無心。湖山搖落關河杳，後夜相思遣夢尋。

和柳道傳感懷

已無言語可為階，野性那兼不好排。買笑誰揮金似土，澆愁空想酒如淮。儀庭鷓鴣多乘運，失水鱣鯨自感懷。物我本無

何得喪且隨達士共談諧

郭子昭淮東經歷

蹠林前歲偶同遊話舊知經五五秋未厭群鳥栖栢府又騎
一鶴上揚州受書此日名方起奏寂他時考更優塵裏初衣
方皎潔豈令大幕久淹留

睡起

卷簾春色上苔衣新水相看近竹扉風動樹枝鳴宿鳥雲收
山崦放晴輝舉盃竹葉埽愁去欹枕拂花約夢飛腸斷碧苔
溪上路暖風晴日釣魚磯

題鑿學李教授歸隱面

一官歸隱絳山陽山色蒼々接太行自古終南多捷徑只今
是康莊仙家虎林林中石淵府龍傳海上方吾友玉堂

送陳玉林

空空思惘然道人和淚話當年珠宮錫號開三島金柱

自九天花落御床沾宿霧蒼星輦路濕蒼烟春來怕度

淮水處處青林啼杜鵑

元日朝會大明宮

晃朝元湧翠埃中天鷄唱內門開雲飄五鳳層樓轟日繞
科龍法駕來謁者引班聯寶帶上公稱壽進金盃撞鐘告罷
宮花側人拍儒冠賜宴回

送王誠夫無錫知州

黃金橫帶爛輝光出守寧辭道路長駕序久陪蒼水使鳳池
曾賦紫薇郎雙旌坐鎮清溪月列戟看疑燕寢香肯汲魚山

泉見寄青春羨茗當還鄉

飛龍亭

謝安敷上新亭好玉斧鑿旌紀昔遊五色曾瞻天子氣六龍
俄起帝王州元戎談笑收京闕阿閣論思侍冕旒一卧滄江
今白髮鼎湖雲斷使人愁

送黃鍊師

榴皮書壁走龍蛇池上芭蕉又見花北闕恩承新雨露西湖
光動舊煙霞春風日長玄都樹秋水星回碧漢槎修月功成
三萬戶藥珠宮裏誦南華

春直寶閣

寶章金鑰直承明袖捧祥雲曙色清親侍鸞輿中道發芳趨
冠劍兩街行洞房夜景搖珠箔別殿春風度玉笋萬物盡沾

忠厚澤苑花深處聽流鶯

金陵懷古

黃潛卿

五雲零落渺天涯陳跡蒼茫日自斜畫角已吹邊塞曲紅藍
新長內園花可憐遺老埋黃壤曾倚春風望翠華好在北山
猿與鶴依然同住舊烟霞

梳頭得白髮

偶逐飛雲別澗岡解纓聊尔濯滄浪襟懷久已無山水髣髴
誰令有雪霜未必丹砂真却老何須白首更為郎前脩未遠
斯文在努力無愁歧路長

遣興

數盡飛花一惘然壯心回首白雲邊十年人事空流水二月
風光已杜鵑過眼青春寧復得付行人黃土絕堪憐故園尚有

平生約可使蒼苔到石田

客夜偶書

歷歷疎螢度眼明，獨攜高枕數殘更。
薄遊已倦新彈劍，舊業猶餘未棄檠。
一雨送晴初月出，百年少已覺人間。
有後生

金陵送人歸豫章

已覺栖遲懶曳裾，可能為我共躊躇。
一帆秋色紅塵外，千里江關白燕初。
建業水清誰共飲，潯陽潮斷定無書。
黃金未盡朱顏在，莫種桃花學隱居。

怡山

春雲冥落鴈無聲，沙岸參差石有聲。
狡兔雙屐漫驚鳥，芳草徑一金龜長。
愧白頭僧晴濤閃閃翻孤嶼，小水昏昏倦野航。
夜清風

滿遙念夢遊空指上方燈

夏日即事

枕上初殘柏子香，鳥聲簾外已斜陽。
碧山過雨晴逾好，綠樹無風晚自涼。
芳歲背人成老大，好詩和夢落蒼茫。
羊裘何不來三迳，門掩殘書滿石床。

開元宮

誰使藏舟一夕移，紅樓翠幃未全非。
曾聞帝子乘鸞去，疑有仙人化鶴歸。
烟迳月明瑤草歇，石壇露冷碧桃稀。
赤闌橋畔多時立，閑看楊花作雪飛。

草意

澹烟斜日照離離，漫吐芳心說向誰。
可是忘憂能自得，若教指佞定無私。
東風江上何人識，南國春來有夢知。
但把青

承雨露未應紅紫浪相疑

龍潭山

二月清江照眼明
避風舟楫兩迴汀
斷雲挾雨時時黑
密葉藏花樹樹青
青隱未成陶令賦
行謔聊共屈原醒
碧潭光景無消息
坐看魚兒點翠萍

送揚山長歸錢唐

千里鄉心海鴈飛
三年官況野鷗知
兒童早已占歸信
第子杏花深巷雨
絲絲人生適意須行樂
駟馬高車恐未遲

送覺上人遊金華

憶同夜上妙高臺
坐聽泉聲響怒雷
久別烟霞如夢寐
舊遊岩石長莓苔
掛冠方厭人間事
飛錫俄從世外來
何處新春

可娛客金華山色紫崔嵬

憶友人

無復高談劇索居
壯心零落音何如
人間漫有金臺夢
身後誰傳玉枕書
半畝蒼苔埋壁地
一聲白雪斷絃初
芙蓉峰下聞吹笛
淚滴春天草木疎

題金明宴遊圖

危樓縹緲碧波中
曲檻方橋面面通
雲氣傍花如欲雨
柳絲垂地不驚風
千年華表人非在
九奏鈞天樂未窮
無限殘山并剩水
煩君回首六橋東

送畢縣尹

歸途環佩曉珊珊
白日青天吹羽翰
疑是省親辭太學
驚聞出守用郎官
花迎墨綬春光春風引仙舟
海色寒想見捧觴

仍繇張鄉人爭作錦衣看

題雪竇真妙三回臺

偶為清造宿梵宮凌晨試上
取高峰水翻雪色寒猶落雲掩
丹光遠更重舊有一僧能跨
尻近聞三洞盡藏龍下方車馬
應難到烟際唯聽日暮鍾

次韻題劉氏石壁精舍

佳城杳杳隔千峰精舍寥寥
一徑通夜靜寒泉猶映月秋深
老樹不驚風舊題尚喜苔碑
在髙卧無令蕙帳空我已倦遊
△曰曼有山如此願長終

送傅與礪之安南

南徼車書路不遙秋風使節
一青霄頗峯條佐登才彥應有
文章達教條日照樓船滄海
烟天低銅柱瘴雲消歸時嶺上

梅花發想見詩囊未寂寒

題丁文苑同年哀詞後

自別瓊林雨露邊江湖目斷
縵衣前禹門尚想龍初化遼海
驚聞鶴已仙烈日秋霜空耿
耿重山宿草正芊芊不才後死
知何用坐對諸郎獨泫然

送烏脩代祀海岳南嶽兼簡明善隱居

承明退直馬如龍將詣祠庭
且數崇岳色非烟生近殿川靈
藏器出幽宮周原共識皇華
以禹穴誰陪太史公亦見文陽
韓處士為言客鳥已秋蓬

次韻蘇侍郎平村暮

中臺多暇獨儀曹退食歸來
不遙扶老未須倉王杖行春
聊過赤闌橋揮毫風雨傾三
水聽履星辰接九霄媿我白頭

方倚席敢將已曲和仙韶

送王尊師祀武當山

二月春光畫不如
綵揚陰裏匪雲車
獨持使節辭金殿
遠上天壇禮玉虛
候吏傳呼開洞府
羽人指點望霞裾
仙家近在蓬萊境
歸及皇輿北狩初

送尚子正理問

上相分臨控列州
理官高選用儒流
風生使節聲華舊
地近台垣寵數優
南土政平多暇日
四山氣爽入新秋
公餘若過滕王閣
煩為題詩在上頭

大卿羊公挽詩

後生無復望儀刑
青史徒煩列姓名
如有遺文成鉅冢
死無新爵上銘旌
瓜田方任蓬蒿沒
下對偏依雨露生
舊笏滿床

知未墜翰林風月向來清

游福州冲虛觀用間韻

陳衆仲

力士持兵守絳宮
吹笙人去斗壇空
白榆城闕秋雲上
紅樹樓臺夕照中
鴻寶昔疑丹穴謬
龜泉今悟玉池通
他年不跨芝田鶴
曾向冲虛學馭風

送張御史之南臺

關中鳴道張夫子
今見聞孫玉雪標
白簡秋霜清羶海
綉衣春日拂雲霄
何人江浦歌桃葉
有客都門折柳條
我欲買舟尋太白
鳳臺涼吹晚蕭蕭

林外詩為復生作

幽人遯世入林間
林外高風況可攀
仲御偶然遊落木
黃公豈必在商山
春深溪雨流花出
日暮松雲載鶴還
落拓塵中

嗟我老歸歟無地可投閒

懷慶王節嬪

良人飄泊渺煙鴻。牖竹寒沾雨。淚紅檜楫不遊淇。水上宿舟。仍見衛風中。龜文屈曲秋機斷。鸞影低回曉鏡空。贏得名公寫桓表。千年光焰吐晴空。

壽虞先生

先生生時其外祖夢衡山道士

衡山道士駐飛車。千載儒宗出相家。月下華星垂五色。人間珠樹吐三花。芝田養鶴春疑乳。菴石聽鶯曉賜霞。朝浪日長賓客醉。翠房文火伏丹砂。

送聶韞夫同知平江州

玉堂親見擢高科。前箭官花染賜羅。駘馬捻穿燕市柳。高帆仍對洞庭波。董生學問傳三策。屈子文章擅九歌。澤國政成

應趣詔殺青。未覺得人多。

為張壺洲賦壺洲

握日臺高雨氣收。扶桑涼影動瀛洲。珠林錯落三華露。寶篆離羅五色秋。鄰曲夜機鮫有室。空中煙市蜃為樓。頗聞雲錦張高士。曾與壺公汗漫游。

院中聞大駕先還再賀伯脩韻

甘泉宴罷鴈聲寒。桂樹吹香出寶闌。翠輦遙臨秋海闊。霓旌高拂曙星殘。瓊城家拜銀麈賜。棘院人爭綉虎看。堪笑子雲能作賦。獨騎羸馬後奚官。

送毛真人南還

真人不似壺立子。老去都忘杜德機。左乙象文令虎守。上方鳧鳥背人飛。巖扉暖翠侵緗帙。江渚晴霞上羽衣。游子故園

春似海客惚長日聽催歸

送王攸道代祀北岳北海濟瀆南鎮

皇帝齋明守鎮圭祠官奉節出金闕北尋海瀆瞻恒岳南涉
江淮上會稽山下靈風吹桂擢雲邊仙樹拂丹梯王褒空有
甘泉頌授老還鄉祀碧鷄

○壽吳宗師晚号看雲道人

九朝冠珮泰階平國有儒仙作上卿碧海宵晴迎日出黃庭
春暖看雲生竹間自洗金鵝蓋花外長留翠鳳旌莫學華陽
貞白老乞身神武聽吹笙

元宵懷錢唐

武帝親祠太乙神流光洶旭動星辰行宮典禮猶存漢軹道
山河已易秦香徑至今啼木客露盤無復泣金人紅燈幾點

東風裏猶是元宵一度春

和康庸田魯瞻公言端韻

震澤三江入堰瀟今年春雨生魚漢廷數有寬租詔魯史

元無告糴書溝洫已非神禹畝東西空引白公渠袖中夙有

巨橋疏也擬金門候屬車

江城即事

江城十日九風雨騎馬出門紫苔春草綠時猶作客雲山

多處忽登臺青野竹題詩小小吳姬喚酒來漠漠候車

乘早發城東昨夜杏花開

○送董尊師

羽衣使者青旌節玉案函封水滸朝佩定從花外散天香

只向袖中携暫憐方朔鍊金匡終勝王褒祀碧鷄龍虎壇邊

銀渚近歸槎還傍露盤低

送李彥方閩憲副使

海濱赤子窮無告帝遣儒臣去
山下馬駢駢魚風滿蒼俗陰入

送李盤中真人代祀江南三名山

弱水回風不受帆三山只在大
遙尔夕露甘瑄玉禮神通景氣

送趙子期使交趾

昭靈既老我猶能效史談
曉日承恩紫駃深都門祖道

縞衣天祿閣中書瀕瀕越王
燕雨吹簫蓋嘉子肥一道澄清
實香蘭此結晴嵐之壇建論
江商使旌真帶致星濕仙掌
嚴島上書不矣喜氣榮華
寧將陸賈金露入珠盤皎潔

歌黃鵠天北天南萬里心

韓淮陰廟

傳與曠

淮陰亡古英雄恨楚樹荒荒
遺廟野花寒封齊安用真玉印

秋興五首

天上旌旗捲暮寒人間鼓角生
浮雲掩素鸞揚柳漸稀風瑟瑟

芙蓉已老露溥溥砧聲苦近
南隣客寒落翳懷強自寬

落木蕭蕭滿帝畿候虫處處
行雲日晏歸復喜諸公扶社理

頻回首目送江南鴻鴈飛

梧桐樹晚細含煙閭闔門深松映天龍去鼎湖雲漠漠鶴鳴
華表月娟娟東都日望金輿起南徵猶驚馬羽檄傳只在守良
勤夙夜五陵佳氣故依然

白日遙看錦繡懸重樓閣西青燈化城或在諸天外方天
長疑積水邊每說神僧飛錫更聞童女上樓無西風日暮
何蕭瑟一度登高一惘然

弊裘已畏早寒侵歲月祇驚客心莫倚長卿能作賦始知
季子故多金天門守虎星辰入雲氣從龍霖雨深直北關山
時極目背人聊復短長吟

崇天門朝賀

輦路塵清列羽林侍臣星嚮肅森森風含鳳吹青冥閭日射
龍旗紫極深兩廡佩整臨水玉九門詔出映泥金從來湯武

須傳業更在伊周老盡心

和危山驪寄第二首

畫戟連雲甲弟高內官如雨送春醪真金半鑄分封印賜錦
多裁侍宴袍自古聖明非獨治只今才武係相遭文章且共
安微命廊廟由來錄舊勞

故園兄弟捨相思久客懷歸屢失期司馬却慙題柱早東方
翻恨上書遲都門柳暗愁中見鄉國花繁別後知昨日南橋
放春水望雲回首獨多時

題書船入蜀圖送夔州教黃尚質

楚客之官泛蜀船畫圖盈尺見山川九江樹色瀟湘外三峽
猿聲灑灑頰前方譯漸通巴俗語國書新絕漢人傳豈無好事
能携酒問字時時集講筵

歸舟阻風

洞庭十日風勢熾沙頭客舟如繫匏沅湘九道白波立衡霍
千峰雲霧交神蛟欲蟄無定窟黃鵠將歸愁故巢只尺城樓
不得上何由一望楚江郊

王氏師山庄

相師之山雲杳冥千崖萬壑倚空青上方雷雨歲天井南極
風煙落洞庭溪客去迷花藹藹野人居愛竹泠泠何時遂買
登山屐乘興還來扣石扃

書南寧驛

歲晚驅馳憶帝京北風回首重關情中天日月迴金闕南極
星辰繞玉衡父老尚煩司馬檄蠻夷須用伏波兵也知文德
能柔遠傳道新恩欲罷征

高明樓

江上孤城映水迴市中曾構出塵開鶴廬樹入青天盡章貢
波翻白日來每愛陳登門有客取傳王粲賦多才難干百人
應能借乘興誰同月下杯

王氏山莊

茅堂聞在斷崖居畊鑿真疑與世疎黃石洞依秋樹吟子房
祠映古苔虛山人自述潛夫論吏部空留處士廬見說田間
多野興每慚為客負犁鋤

汴梁

汴上荒城繞故宮山頭危石墮秋風夷門市起聞嘶馬梁苑
樵婦見斷鴻闔草尚餘殘後碧進花無復盛時紅欲登高處
腸先斷滿目閑愁賦未工

題天使館

元統三年頒正朔詔書還到極南開使旌入館青雲動仙蓋
臨江白日迴諭蜀豈勞司馬檄朝周終見越裳來還家老鳥
應相問文化如今遍九垓

却侍姬

夜宿安南天使館主人供帳爛相輝寶香燼起風過席銀燭
花偏月照幃王母謾勞青鳥至文簫先放綵鸞歸書生自是
心如鐵莫遣行雲亂濕衣

題張齊公祠

將軍結髮事先朝百戰山河血未銷
揆說霽雲多慷慨兼聞
去病最嫖姚煙塵劍戟迷秋峒風雨旌旗落暮潮自古英雄
頭刺食精靈何待林詞紹

不覺仇
儼五重

過故妻墓

湘臯煙草綠絲約洒淚東風暗心細君每恨姮娥工八月
虛疑神女解為雲花陰午坐閑金前竹裏春愁冷翠裙
留得舊時殘錦在傷心不忍讀回文

洞庭連天樓

崔嵬古廟壓危沙縹緲飛樓入斷霞南極千峰迷楚越西江
衆水混渝巴蛟人夜出風低草龍女春還雨濕花北倚闌干
望京國故人何處認星槎

鳳凰臺

太白題詩鳳游處古臺蕭索換流年風流偶出齊梁後文藻
猶含晉宋前淮水夜明蒼海月石城春暗秣陵煙古來宮殿
俱無跡風雨凭闌思黯然

寄鄂季弟幼霖昔寄仲弟次舟

吾親霜鬢日紛紛為客艱難不使聞養老只須常善飯生兒
何必愁能文書同洛下思黃耳心似河陽見白雲季弟深家
報兄好歸期猶恐過春分

送姚子微

雙闕除書下玉階三湘回櫂拂冰崖天垂銅柱南低海地入
金陵北近淮江國鷹來秋肅肅驛樓鷄動曉啾啾大家定有
東征賦鮭菜隨船慰老懷

送杜德常西臺御史

御史才華舊省郎翩翩雲路起鵷行天迴紫閣明奎壁地切
烏臺動雪霜今以定存周禮樂過秦猶有漢文章欲因巡郡
還搜訪別酒陪風意獨長

登岳山

萬壑千峯次第崩祝融歔歔笑下岳鬼九江水盡荆揚去百粵
山連羣嶺來入樹恐侵玄帝宅牽蘿思上赤靈臺明年更擬
尋春興應及瀟湘鴈北回

送趙仲禮御史

文章御史久為郎南赴金陵道路長北粵雲山連楚大六朝
煙樹入隋荒清秋按部行駘馬落日登臺詠鳳皇新喜諸公
振風采早聞當道去豺狼

送盧茂實之廣東憲轍

仙城近接衆山迴憲府遙臨百粵開海上喜通持節使轍中
兼得濟時材鮫宮織罷魚龍出蜃戶珠還蚌蛤來預想到官
多暇日清詩題遍嶺頭梅

和余太守對雪見懷

江雪寒連驛樹，鶴裘清坐聽蕭蕭。中天月避光芒合，南國雲含瘴癘消。因憶石田春種玉，乍疑銀漢夕通橋。使君辛苦迎駉馬，也念幽居寄閩家。

岳陽中秋值安南貢使因懷舊遊

洞庭秋氣滿龍堆，為客偏驚節叙催。鐵笛乍聞雲外響，瓊樓應傍月中開。越裳重譯二年至，滇海浮槎八月來。忽憶舊遊今萬里，天涯長見鴈飛回。

壽王左丞

南極諸星映赤霄，東風二月滿青條。焚香鳳閣春開宴，鳴玉龍墀午散朝。但使經綸齊稷契，不勞服食慕松喬。日長自度

日耳聽雲間合九韶

送孔伯吾

三孔風流譜牒存，祖林迢遞隔中原。家全蝌蚪經秦世，路逐爰居過魯門。闕里蒼々雲樹合，閔宮窈々雨苔昏。始知聖澤同天地，長使恩波及子孫。

至京

京國古為形勝地，野人今識帝王居。無時雲氣浮金闕，盡夜奎文映玉除。豈復常何須論事，早聞司馬已成書。袖中獨有揚賦，欲向何門曳客裾。

駕發

天門曉啓黃金鎖，路馬遙翻碧玉蹄。銀燭笑之花外出，翠綈冉々柳邊迷。千官劍佩屯雲合，五衛旌旗擁日齊。後夜龍沙駐清蹕，侍臣不寢聽晨鷄。

宿崇仁峽

扁舟夜宿魚龍窟之客長懷虎豹關歲暮思家成白髮天涯
持酒看青山張騫浪喜葡萄入馬援終嫌意欲還天子只今
勞遣使將軍何日遂平蠻

元日朝賀後聞赦

紫殿風雲會搢紳榮光又逐歲華新近時饒馬清南海昨夜
金鷄動北辰法令已行秦郡縣禮儀仍見漢君臣獨勞聖主
哀黔首還以殊恩慰遠人

七月十一日赴安南

燕城秋早五雲開路入南郊幾月回奉使始從天上出行人
爭看日邊來班超萬里終投筆郭隗千金更築臺聖主恩深
極炎海伏波銅柱任蒼苔

龍翔寺

梵王宮殿倚青冥先帝旌旂擁百靈寶網自鳴空裡樂琅函
時出賜來經近山鳳去花仍碧遙海龍歸樹獨青玉輦宸游
竟寥廓行人揮淚讀新銘

次韻元日早朝

宮漏催朝燭影斜千官鳴玉動晨鴉交龍擁日明丹袞飛鳳
隨雲繞畫車宴罷戴花經苑路詩成傳草到山家小儒未得
隨冠冕遙聽鈞天隔綵霞

送馬伯誠書大典恩授學官待次歸

蚤聞獻賦擬揚雄晚信傳經出馬融載筆舊登天祿閣將書
還到大明宮苑花送酒歸時發江樹迎船去處通會待詩書
化干櫓青燈重約故人同

寄王君實

北望衣冠憶省郎，遠隨車駕幸灤陽。苑中首肯空騏驥，池上梧桐集鳳皇。中使有時傳送酒，近臣何處避含香。上林此日無來鴈，吟罷題書欲斷腸。

次韻王君實秋日巡山

九重城闕擬清都，萬井閭閻倍國初。恒見貔貅無警急，始知鷄犬亦安居。勾陳日轉秋移仗，太乙天低夜降書。聖主夙興思輔治，由来廊廟不宜虛。

和孔學文從奏延春閣

宮漏沉沉曉仗移，衣當殿聽朝時。風含鷄舌飄青瑱，日射龍鱗動赤墀。奏對御筵多密近，退趨春院總委蛇。喜聞近日稀遊幸，閣下儒臣出每遲。

元日朝回

九賓陳仗建朱干，赤驪傳音贊玉環。法部清商初抄樂，宮闈重翟已越班。雪華遙映龍旗動，日色終臨鳳蓋閑。萬歲玉函誰刻字，忽聞送喜入天顏。

過長城

道德蕃唐億萬年，長城謾與朔雲連。秦人骨肉皆為土，漢地封疆已變烟。深泉動脉收瓶沙，晚草生煙神京遠在。玄冥北九數開荒際，幅員

遠次恒州

塞雨初乾草未凋，管簫秋色滿沙場。胡笳上萬黃龍風，戛戛鞍關響白狼。別部烏桓知幾許，古山稽落是何方。長雲西北天如水，想見旌旗瀚海光。

次漢馬中上京寓直

鳴榔落日南流西極青山文樂低馬谷夏泉經雨漲龍堆
秋草拂雲一函祠檢將并玉萬里九封不用江保直夜涼
談往事參差猶欲避鷗鷺

題齋壁

牧馬新來秣地林街頭桐酒玉傾瓢義和白日經天近牧
陰山度暮遙雨過忽然思海裕風清聊復快凌敵他年續作
樂陽夢萬里排雲溯汝家

觀失刺幹耳朵御宴回

幕承空柱繡楣綵繩巨地製文文寬辰旂忽動祠光下甲帳
開殿影外芍藥名花園簇坐蒲司法酒坵封泥御前賜酒

大駕北巡詔免漢宮

天子龍飛啓聖時乾坤明載清夷幸衍右錫承周宴重章
臨邊舉漢儀御宿常時虎衛言行陛下宜真詔恩許免
陪駮棄却愧長楊賦未奇

送葉道士歸大台

北斗光中曳翠旗五城樓觀極鍊鑄音公鼎佩印
空懸白羽衣石井劍花飛夜下田出記春輝天台仙子
應招隱萬壑梯巖看鶴飛

贈大華嚴寺長老壽公口後

鏡鏡獨當銓一杯薑杏何多味四壁松篁不礙禪今日丹霄
同會客淵明元有酒中緣

晨度居庸至南関門

雲梯忽斷山峻平
霽霧初霽林嶺明
兩都扼吭南北鎮九州
通道東西行巔厓
巨石擎佛屋壁門遺
築開軍城當時苦
詭天下險一卒前臨
強萬兵

午日雪後行失八兒禿道中有懷同館

尖峰猶是漠南山
駝褐蕭々午日寒
艾葉謬將頭上插
槽花應許夢中看
馬前沙雪行初隱
鵬背荒雲落更盤
王事獨賢言敢憚
重煩同館勸加餐

新製太常鹵簿成共覩盛儀喜而有賦

端門初啓蹕聲齊
五使中行八寶隨
大輅威嚴催引仗
泚旗分道聽鳴騶
參差繡袷迎陽動
蹀躞金珂翠地垂
宗祀光輝承孝享
思誠還欲詠周詩

登六和塔

張仲舉

江上浮圖快一登
望中烟岸見

西興日生滄海橫
流外人立

青宜最上層
潮落遠沙群
下雁

樹敵高壁獨巢鷹
百年等事

豪華盡怕聽興亡
嬾問僧

上清薛茂弘
虞內翰以

鶴齋號之為賦

羽人新得虞翁號
歸築蘆茅並

翠微丹室有風鳴
夜帳斗壇

多露濕秋衣
畫中昨者薛少保

華表他年丁令威
直儼身形

煉相似玉笙吹上
白雲飛

登金山吞海亭了翁韻賦

危亭突兀戴鰲頭
俯視滄浪一
勺浮龍伯衣冠
歲下府梵三
皇殿起中流
扶桑夜色三山日
灑灑江聲萬里秋
老我惜無吞海句
但磨崖石記曾遊

寄成居竹隱君

青袍朝士困京華此老蕭閑竹
渴肺酒槎牙商岩未採芝如草
理漁事短蓬春雨夢漚沙

洲家山壓窮愁詩強項海枯
影澤將歸菊有花孤負江頭

題唐子華畫王師魯尚書

石田山房

秋水橋邊紅葉林數家茅屋傍
鋤雲宿雨深摩詰朝川宜入畫
采同煮應許山中道士尋

月岑岡頭種玉朝烟暖隴上
陵章曲自成吟東嶽歲晚

賦中書左曹小瀛洲

袁曹地迥集名郎宛是仙家紫翠
移出海中央金波日暖浮鵲
清夜直此身如在五雲鄉

房閣闔上通天只尺蓬萊
仙春濃下鳳凰幾度夢回

三月望日遊虎丘寺題

真不軒

海涌峰前雲樹盤佛宮飛閣出
秋池劍影寒禪老說空留壞石
登臨興更借西山晚翠看

嘒玩虎來古塚金精白龍卧
凡仙題雨下虛壇憑高不盡

題述律存道元帥平師

示三州卷後

不用牙璋遠出師將軍馮軾定
高懸玉帳旗司馬文章傳太史
蘭滄上擬刻寧蠻第一碑

次韻存道元帥師宗感時

陡遡山峻刀寨入真詩因送歸闕成

傲外頻驚羽檄飛將軍三起著
龍蛇有殺機已見趙佗知漢德
更令孟獲識天威此行整頓
蠻荒了等膏雨灑烟好賦歸

二月朔日登憫忠寺閣

百級危梯遡碧空，憑闌浩氣納長風。金銀官闕諸天上，錦繡山川一氣中。事往前朝僧自老，魂來滄海鬼猶雄。只憐春色城南苑，寂寞餘花發舊紅。

題金陵

運盡黃旗曾作開，天星俄復坼三台。方驚掘地雙鶴起，即見浮江五馬來。草暗離宮碑臥土，雨殘戰地骨生苔。當時一掬新亭淚，猶帶寒潮日暮回。

送李孟端奉祀天妃祠北歸

萬里函香出漢廷，楚江南下越山青。祠光夜現天妃火，騎氣秋瞻使者星。三島鳳麟環碧海，一關虎豹隔青冥。君才直掌然綸美，為述文章襲六經。

王繼學自海南召還翰林再除南臺待御

天上歸來錦作袍，幾陪春色醉宮桃。銀河有路惟飛鶴，碧海無山不戴鰲。卿月又臨仙掌動，客星偏傍釣臺高。廣陵路接金陵近，擬拂塵衣望節旄。

虛齋贈四明王道士

高齋聞在荔枝林，曲几方床宴坐深。大道無形元寓器，至人於物不容心。二山雲氣通寒沆，一室天光入照臨。我欲壺中收藥去，石田瑤草共相尋。

吳江

坐倚風檣看太湖，波濤瀆洞半三吳。寒通上界咸池氣，黑入中流水伯都。雲暗蛟龍應起立，雪深鴻鴈自驚呼。望亭有酒宵堪醉，買得漁家一尺鱸。

寄題社原父懷友軒

尺五城南近世紛，移家來並武夷君。他年功業誰青史，此客山林自白雲。石氣曉侵書幌濕，溪聲時雜棹歌聞。故人已有同棲約，杖策行穿虎豹群。

題黃州管氏懷坡堂

玉局仙人雲錦裳，騎龍一夕下黃岡。我之冠蓋生陳迹，落之江山有耿光。謫宦六年名益重，懷賢千古意何長。君侯此舉誠佳事，未數儋州載酒堂。

瓜州與成居竹王克純登江風山月亭

風起西津斷客艘，熊家亭上得憑高。雲移鳥影沉江樹，雨帶龍腥出海濤。開闢自天留壯觀，登臨如我老英豪。放舟擬就金山宿，一夜清寒龍襲錦袍。

奉荅新仲銘禪師

吳楓初冷鴈連天，夢在江南野水邊。詞客欲歸嗟老大，美人不嫁惜嬋娟。豺狼正尔當官道，龍象于今護法筵。我識新公老禪衲，一盞蒲室是真傳。

贈馬易之

萬里征帆度越江，茲游竒觀世無雙。海中蓬島金銀闕，天上玉堂雲霧窓。吾道政須求柱石，詩壇從此避旌幢。青林白谷歸休地，懷抱因君得暫降。

中秋對月時張外史有約以醉不赴

明月中天雲霧消，酒醒涼思正飄飄。星河不動秋空闊，鐘鼓無聲夜寂寥。露下遠山皆落木，風來滄海欲生潮。仙家玩事無緣到，虛負瑤樓聽玉簫。

梅雪齋為茅山楊道士賦

雪樹生香滿佩巾紫霄最上集仙真
蒼荒鶴跡渾無路花暗笙聲不見人
瑤圃月寒通白曉丹臺雲暖駐長春
莫教流水山前去恐似桃花客問津

游鳳皇山故宮至高祺臺鴻鴈池

衰草寒煙老木風南朝佳氣落秋空
壁來山鬼遮秦使盤泣銅仙別漢宮
壞堦尚傳祠乙鳥荒池曾見射飛鴻
騷人自古多荆思長在登臨感慨中

冰蟾為金齊賢賦

老蟾素魄稟金精千歲玻璃幻結成
明水夜零陰燧凍丹書秋浦肉芝生
腹凝寒露藏虛白影入銀河浴太清
擬向姮娥乞靈藥與君騎向廣廷行

吳江王氏水雲深處

潮平天闊開詩境宜著幽亭俯碧潭
閒許釣徒分半席靜鏡沙鳥占全林
青連河漢秋無極黑入菰蒲晚易陰
更好扁舟明月夜醉携長笛寫龍吟

題上清張道士壺洲

錦水東頭觀闕青仙家元不隔滄溟
鳳麟洲渚寒凝碧雲霧衣冠夜降靈
金醴浸花留客醉玉簫吹月使龍聽
看君福地容蕭爽長與會孫登樓亭

石頭城次陸天錫韻

坡陀石路帶城遙古寺殘碑蘚半凋
一自降王歸上國空餘故老說前朝
壞陵鬼剽傳金盃畫壁仙粧剝鳳翹
更欲留車盡奇觀夕陽江上又生潮

鴈自代過晉嶺客中有感

鴈行新自鴈門來遠度平沙陣勢開光祿塞空霜氣冽受降
城廢水聲哀烏孫公主歌誰和猿臂將軍射未回今日客中
腸易斷不須更上最高臺

送式無外屬高麗

三韓山水有靈暉秀出斯人了佛機嶽寺禪餘留偈別王城
齋罷戴經歸瓶收滄海降龍入錫度秋空近鶴飛只恐故林
雲卧後一鑑秋老木綿衣

送俞伯嘯還湘東

四明游客住京都旅舍青燈照影孤家信幾年黃耳犬鄉心
一夜白頭烏却携長鉞辭金水直掛輕帆過鑑湖為問蠶書
王太守別來安穩有書無

散木軒為陳則虛高士賦

散木軒中一散仙形雖如槁氣蒼然路松政自為明誤社稷
還應不用全梁棟無心聊閱世山林有地可長年碧窓日靜
忘機處悟得南華第四篇

鐵笛為孟天暉作

愛此輕圓鐵鑄成何須楚竹選孤生年多化作青蛇色夜靜
吹如彩鳳聲繡出碧花凝錯落冷涵金氣發鏗清最宜携向
君山去一聽仙翁奏月明

壽岳齋傅左丞

六朝名德仰巍人未許家園久息機霖雨帝方思汝作衮衣
人更望公歸南山一柱標中王左轄三星拱太微欲向賓筵
頌眉壽寸心遙與白雲飛

夏孝子 名永慶定海人

翁已全生兒殞軀投文我欲詰天吳一時肝膽寧知死萬頃
波濤視若無骨殖夜泉鯨穴冷魂歸故國展雲孤自今孝子
流風在直與扶桑水到枯

答謝看雲宗師壽帙綺段之贈

自信平生有道緣頻煩白鶴寄瑤箋錦衣帝子機中織詩入
真人誥內編弱水蓬萊三萬里慶雲間闔九重天擬抽玉刺
從飄馭一到環樞問列仙

寄周伯温

天子臨軒授鉞頻江南無地不紅巾鐵衣遠道三軍老白骨
中原萬鬼新義士英靈虹貫日仙家談笑海揚塵多將滿眼
雙涼淚哭盡平生幾故人

送宋本禮部狀元調選還京

聖主求賢禮數崇策名高步冠南宮乘槎析木天津上奏賦
甘泉鹵簿中染翰墨凝仙掌露護衣香散御爐風只今帝業
熙千載正待儒臣黼黻功

寄陳子華時留淮海

鳳在陽岡鶴在臬相思空寄夢竟勞箭吹夜月江橋酒榼汎
秋風海市濤故國山川吳不野美人詞賦楚離騷瑤花新製
爭傳寫應使揚州帑價高

春日懷柯博士

建章鶯轉曙光初上直門開漏點疎花擁西清森仗衛星臨
東壁煥昌書漢庭長者多推轂楚國騷人早卜居為問五雲
仙閣更絲毫春詠近何如

金陵武定橋晚眺

赤闌橋下暮潮空，遠火疎鐘百霧中。星月半天不日落，照斷雲
千里附歸風。嚴城鼓角秋聲壯，故國山川王氣終。莫訝時來
一長望，越吟荆賦思無窮。

夜思

月落未落山四更，鷄啼欲啼霜滿城。起看北斗寒挂地，俯聽
長江流有聲。今夕何夕耿無寐，千古萬古難為情。欲持心事
出門去，哀歌坐待東方明。

題張性之提舉靜學齋

隱者城南水竹居，蕭然一室公口生。虛傳舌吳會，名家後探道。
農黃邃古初日影，可簾晴暝樂露涼。侵戶夜翻書元知，靜重
功夫大欲乞靈方。一起予

送劉侯赴大理

萬里南雲入馬蹄，蠻酋迎拜過阿黎。將軍拔劍歌玄武，使者
乘輅祀碧鷄。六莫星文開井絡，兩關鳥道插天梯。聖朝謀帥
先詩禮，努力籌邊息鼓鼙。

送柯敬仲之京

給事先皇禁邸中，歸來空抱小臣弓。魚龍夜落黃河水，鴻雁
秋征白雪風。郢國善歌推宋玉，漢廷能賦待揚雄。如君必用
才優俊，重見金閨尺籍通。

十月朔奉迎明宗冊寶至石佛寺，明日壬辰迎至太
廟清祀禮成賦以紀事

寶冊香輿出法宮，霏烟御路曉濛濛。仗齊劍佩千官裏，金奏
簫韶九廟中。宣室鬼神徵賈誼，太常禮樂屬孫通。下臣有幸

逢熙事散作恩波四海同

春闈和周伯溫韻呈同院

鼓角聲沉漏未終夜寒官燭屢銷紅百年海岳回元氣一代
文章有古風仙掌露溥金沆瀣觚稜雪散玉玲瓏祇慙白首
河汾客得與群賢此會同

寄歸學生彥溫時寓夏縣

老筆文章史漢閒喜聞華髮映朱顏司空舊隱王官谷開府
今稱庾子山一色黃芽丹壺貽火十年清夢紫宸班與君歲晚
湏相見久辦歸田疏乞還

題遠碧樓

江上樓居景自清闌干朝暮倚陰晴數峰殘雨雲間濕一水
斜陽島外明樹隔釣歌不浦出風移帆影近窓行綵衣白髮

且春酒更喜田園樂事成

二月望日湖上值風

疾風吹浪滿重湖雲掩西山一半無黃帽牽船依岸過蒼頭
按鷓遶林呼鴛花世界如春夢烟雨樓臺勝畫圖童樺茲遊
今白髮斷橋斜日重踟躕

寄觀志能照磨

鰲背三山最上峰美人手把玉芙蓉仗圍泰時傳霄燎漏下
層城踏曉鍾錦瑟無塵飛刻鴈金壺有墨洒雕龍老懷已托
王郎道早晚歸祭北澗松

直延春閣

蓬萊海上第三山仙掌雲間十二槃鷄樹煙深殊宵窳鳳樓
天近自高寒銅壺傳漏聲相應紫詔封泥墨未乾願祝君王

千萬壽可坐施雄斷濟難難

送浙省員外曹鑒遷湖廣

上流形勢控荆揚過鼓飛帆入武昌幕府一時登俊傑朝廷今日際明良南樓詞翰題鸚鵡北斗旌旗下鳳凰好折楚芳
遠寄與美人秋水遠相望

懷上饒祝蕃遠蕃遠時為建康學正

聖皇端拱致時平妙選群才屬汗青一代彌文懸日月萬方
同軌走雷霆敢希太史紬金匱更待中郎寫石經出處與君
俱有道不煩猿鶴謝山靈

舟發湖江夜泊廟山驛

風帆東上浪冥冥鐘鼓山前近驛亭江海秋生河漢白魚龍
夜沒水雲青誰從三島求仙藥自信孤植伴客星好喚吾兒

叩舷起浩歌呼酒月中聽

雪巢為上清劉外史賦

圓之茅蓋一巢輕雪滿千山虛白生象外乾坤還太古望中
樓觀盡通明雲藏宿鶴渾無跡水落長松暗有聲人在空寒
最高處羽衣瑤佩不勝清

送李自質歸上清

歸去青溪點易窓仙材妙于世難雙丹藏虎豹千山雪劍度
魚龍萬里江別洞苔花分石路古壇松子落岩淙道人不用
尋烟火木煎經冬正滿缸

許編脩克敬歸平水奉寄王祕監先輩

憶昔先生致政時至今留在十圖詩古來賢達知幾早此日
山林問舍遲故國衣冠多草莽中原郡縣半旌旗白雲汾水

殊風外目送飛鴻有所思

十二月廿七日雪寒奉旨賜宴史局

聖主恩隆六賜筵玉音躬听相臣宣史裁東觀何殊漢人在
瀛洲捻是仙御酒如春浮浩蕩宮花與雪鬪嬋娟微生此日
沾休澤祇望丹宸祝萬年

送王季敬還維揚并述所懷

遠憶淮南后土祠君歸今已發瓊枝好尋月下吹簫處猶及
花前把酒時錦瑟金錢餘舊伴烏絲紅裏有新詩故人相見
如相問老盡當年杜牧之

御史王元戴為臨川王伯達回雙鳳山居音為余求題

雙鳳山人茅作屋五雲閣吏繡為衣寫將瀟灑滄洲趣留待
風流二老歸歲月無情遺墨在江湖多事宿心違寒藤古木

西江道惟有當年白鶴飛

送晉彥仁都事還蜀并柬文時可郎中

送君一騎發長安王事方殷肯避難使者好尋巴道路遺民
思親漢衣冠江來灌口声初放雲接峨眉翠木乾為報郎中
勉勸業遠音昔遣破憂端

石門書院瀑布

飛泉噴薄下靈湫疑有龍居最上頭長日風雷穿石起半空
河漢決雲流青牛隱去神宮在玄鶴歸來洞府幽弭節名山
請宿頭築居終羨昔賢游

送劉彥基奉宗師命訪求道德經註

北風霜霰日冥冥送子南歸出廣庭上國幾年陪賜履名山
隨處訪藏經藜光照夜時燃火龍氣衝寒直射星却憶冲虛

觀前路豫章双樹更青青

登嚴先生兩釣臺

兩亭有迹可躋攀老樹長藤會蔚間魚釣自忘天子貴風雲
何似客星閒鍾催夜月來孤寺帆挾春潮過亂山寂寞羊裘
軒下路幾人携酒醉潺湲

送陳復齋歸婺之武義清寧觀

武川道館白雲間蕭散真宜羽客閑丹侶有期開紫籠青童
應在守蘿閑罔頭叱石成羊起花下吹笙馭鶴還歲晚相思
儼相覓只愁落葉滿空山

題商山四皓亭

兵塵瀆洞繞函關不到商於六里間赤熾頗傳秦楚蹶白雲
自與綺園閒龍蛇起陸嗟何在鴻鵠冥飛竟不還千載高風

無復見空餘芝草滿空山

圓丘禮成改直翰林勅書告岳廟祝板二首

捧冊先期願太宮聖孫翼孝心同霓旌曉絢香輿日鶴駕
晴董彩仗風一代皇猷昭黼黻萬年寶曆卜延鴻舞階行見
干戈戢並在穹祇叶相中

黼黻青城煥景光紫壇黃道藹天香鳳韶曲變初終奏龍袞
衣明上下章共喜盛時脩曠典更從春享議明堂吾皇飲福
神靈畢却進公卿萬壽觴

題汶上早行

絳節前駢海日生川回已見汶陽城數峰曉翠和雲濕千樹
春花照地明原隰使華來煥爛河山風物入經筵馮君更寫
千岩月與德生夜之聲

題王公儼學士雲松巢

高人自昔愛雲林，擬作幽居寓素心。遁世每懷箕叟隱，題詩聊效謫仙吟。幾番白鶴迷秋夢，半樹青蘿補夕陰。獨坐天風洒毛髮，高寒何似玉堂深。

題紫霄宮揚外史梅雪齋

雪樹生香滿佩巾，紫霄最上集仙真。蒼荒雀跡渾無路，花暗笙聲不見人。瑤圃月寒通白曉，丹臺雲煖駐長春。莫教流水山前去，恐似桃源客問津。

題丹丘社高士聽松軒

長松千樹擁前榮，虛籟還從樹底鳴。一片海濤雲杪墜，幾番山雨月中生。茶香夜煮琴泉活，琴息秋翻雀帳清。安得南華芝仙伯，相隨軒上听風聲。

郡樓晚望

全晉山川氣象開，滿城烟樹擁層臺。土風舊有堯時俗，人物今無楚國才。千嶂晚雲原上合，兩河秋色鴈邊來。昔賢勝賞空塵迹，落日登臨画角哀。

上京殊日

遠山平野浩茫茫，曾是當年古戰場。飲馬水乾沙窟白，射鵰塵起磧雲黃。中郎節在仍歸漢，校尉城空罷護羌。今日車書逢混一，不辭垂老看邗鄉。

送周草窗鍊師還太平宮

萬壘匡廬紫翠開，太平宮館即瓊臺。九天使者雲間下，五柳先生社裏來。杏樹春深渾滿院，桂花涼露不盈杯。遙應鶴伴相望久，吹取樓頭錢竹回。

寄野先察罕平章時攻淄鄆

聖主中興大業難元戎報國寸心丹軍中諸將驚韓信天下
蒼生望謝安露布北來兵氣盛樓船南渡海波寒擬將舊直
詞林筆細傳成功後世看

初度日病起不能飲諸友載酒集書樓偶賦元意

細雨東風汎曉烟草痕青過竹籬邊春當揆度靈均日老及
知非伯玉年病眼紛紛化似霧吟懷跌宕酒如泉諸君有意
留迂叟擬買雷塘百畝田

上清山中

烟景空明石路微千年草木駐光輝山中觀闢金銀氣天上
神仙繡黻衣赤日大溪魚欲化青雲玄圃鶴長飛只今浩劫
頭來往未信滄洲與頽浩

○北歸渡河

黃河南徙合清淮袞人謂從地底來岸斷魴鮪蟠窟宅浪高
鱣鮪化風雷千年瑞應裁圖出萬里經流禹鑿開好汎靈槎
上天去窮源一試濟川符

不繫舟漁者陳子尚自號

本來無繫亦無舟隨意江湖可漫游縱遣西風吹水外不妨
明月爛沙頭人情平地波瀾起身世虛空日夜浮安得從君
購把釣只將吾道付滄洲

寄副樞董搏霄孟起時屯濟南

王師前後厭瀛河萬里風雲入盪摩晉帥先宜謀卻毅趙人
思欲用廉頗校術突騎肯傳令鼓發縣門曉擁戈共待將軍
白羽扇歸來慎府上功多

涉慈溪遊穴水謁蒲菴開士

趙希顏

水繞山圍紫翠重禪閣猶在亂雲中
雙峰老樹巢鳴鶴兩澗清泉卧螭龍
嵐氣濕衣梅子雨天香凝座桂花風
論心得住慈雲閣高倚虛空聽時鐘

越上

李季和

賀家湖裏見秋風放翁宅前東復東
兩行雲樹忽遠近十里荷花能白紅
行人濯足銀河上越女梳頭青鏡中
我欲張帆上南斗扶桑碧海與工通

宿巢縣

旅食荆吳改歲年春風行路思綿綿
青山以繞周瑜墓明月猶窺巫父泉
楚縣城荒餘畫角巢湖日落有歸船
天涯芳草萋之綠想見登樓憶仲宣

送周學士赴上都

甘允從

從官萬騎擁鑾輿東閣詞臣載寶書
雨過草肥金絡馬月明山轉紫駝車
龍庭日近瀛洲路灤水天高玉帝居
明日仙凡便相隔少年僚吏謾踟躕

送朶兒只國王之西東

奕世名王策駿功遠分茅一鎮遼東
玉符金印傳孫子鐵券丹書誓始終
滄海斷霞通玉几帳黑河飛雪暗瑇
弓莫忘聖主艱難日四傑從容陟降同

和宋學士晚出麗正門

暮光霞彩炫金題絳闕高一色雉堞
低上相樓臺連御苑中郎車騎過沙
堤皂鵬孤挾凌雲翮紫燕雙翻踏雪
蹄回首上林涼月夜蓋珠多是鳳鸞
栖

有懷玉文堂

眉山老仙丹丘生三日不出風雨驚玉文深沉叢竒秘天藻
動盪汗芳英錦鱗行酒白圭靜金鴨焚香長夜清秋深病久
不得往撫卷悵望難為情

郊祀慶成

園丘親祀自吾皇夙駕繼幽建太常冕服並行周典禮樂歌
不數漢文章清臺夜奏靈光祭温室朝迎瑞日黃今代侍臣
多馬鄭明年應許議明堂

送傅與礪赴廣州教授

貢泰甫

買得吳船便欲東更騎羸馬別諸公文聲久許江西盛詩律
因歸海外工人羨義陽封介子客從秦時薦揚雄五羊城下
南風起茉莉花香荔子紅

送顧仲莊之海北

釣龍臺下與君別萬里東亦何日還星斗動搖天在水海門
空濶浪如山珊瑚寶樹來一島鸚鵡金籠出入蠻簫鼓船回
應北上鳳池春早珮珊珊

送篤御史

萬斛龍驤海上回除書忽報自天來紅蓮日轉神仙幕翠柏
霜飛御史臺已喜文章收治以譽還因網紀得長才風塵滿目
難為別且盡江頭酒一盃

送劉彥明從經略姑八還

經畧江南開漢府曾因三石碎劉郎千金海上求驥驥五色
雲間識鳳皇思入金莖秋酒露行隨玉節晝飛霜還朝定上
平南策應從夔龍到建章

送洪元成赴靜江途中

海上東風吹駉毛杏花開雨蕭騷薦書舊最司征考官錦
新裁別駕袍落日山城旌旗遠拍天春水柁樓高莫憐技老
多辛苦萬里行囊有豹韜

次韻李景儀治書

揚僕船歸百越平捷書今言出甌寧秋高劍氣衝南斗天近
綸音動北溟萬里聲名雙鬢白百年文物一壇青珠璣忽向
三山落誰復哥詩繼魯頌

題子固所藏鮮于黑一蹟

一自昭陵藏墨本書名誰復更超群忽傳河朔事行草不讓
吳興變隸不黃鵠夜深隨波月白鵝秋冷化孤雲風流賴有
張公子雪繭封題比右軍

題李則平憲副所藏息齋竹

蒲川風雨長簷響吹作參差三鳳皇擇粉已翻鱗甲紫墨花
還淙羽毛蒼春寒弱榦當軒潤日暮清陰入酒涼便欲截筒
鳴嶰谷却愁彈瑟望瀟湘

巴陵女子韓希孟貞節

尚書子婦魏王孫清白傳家節更文諸將已指南渡主孤身
猶抗北來軍血書夜洒巴陵月烈氣秋橫鄂渚臣欲弔忠魂
無覓處惟應瑤席從湘君

壽吳宗師

帝遣仙翁位上卿五城迢遞接蓬瀛雲浮紫氣旌幢潤日射
紅光劍佩明池館書朋教鶴舞江湖歲晚結鷗盟軒轅曾訪
長生術應信崆峒有廣成

送篤敬夫御史之南臺

御街初日柳梢紅
豸角新冠出禁中
天上使華恩詔重
江南民瘼奏書通
九霄風送孤飛鶴
萬里雲隨一騎駘
欲把直心酬聖主
青松多種古臺東

送賈舍人之廣東帥府照磨

五月南風起舳舻
番禺曾是粵王居
貔貅萬寵新趨幘
虎豹千門舊直廬
茉莉編籬香旖旎
藤接屋影扶踈故
人畫諾如流水
海上應傳報政初

送黎兵胡宣慰南歸

將軍仗策去安邊
詔下東南萬里天
雲海旌麾趨玉帳
春風鼓角載樓船
黎人滿溜檳榔水
蠻戶齊分牡蠣田
遙想軍中無外事
坐駘千騎鶴平川

贈天台李道士

翠蛟青鳳下崆峒
家住天台第幾峯
歲久松肪成琥珀
夜深丹氣出芙蓉
仙童奏簡騎文虎
太乙懸旌畫赤龍
昨日從師到天上
故山還著白雲封

邳州次韻劉顯臣

吳船蕩漾一毫輕
楚客飄蓬萬里情
小雨挾雲行斷岸
亂山湧浪入孤城
黃河風起鷗無侶
紫塞春深鴈有程
莫怪仲宣多感慨
朝來白髮鏡中生

登太平寺次韻董憲副

余廷心

蕭寺行春望下方
城中雲物變淒涼
野人籬落通潛口
賈客帆檣出漢陽
多難漸平堪對酒
一尊未盡更焚香
憑將使者陽回曲
綃蓋征人鬢上霜

寄忻笑隱

倪元鎮

江南隱者人不識一日聲名動九重地濕厭聞天竺雨月明
來聽景陽鐘衲衣香暖留春麝石鉢雲寒卧夜龍何日相從
陪杖履秋風江上採芙蓉

次天錫韻寄張外史

谷口路微山木合濕衣空翠不覺晴飢猿攀檻作人立寒犬
號林如豹聲小閣清秋聽雨卧長溪日出採芝行道心得失
已無夢沐髮朝真候五更

次韻送柳先生貫東歸

賦詩南澗寫烏絲鸞之停雲去後思鄉國動成經歲別江湖
復與故人辭溪船斫鱸雲生枕松室聞猿月滿枝他日重尋
吾子宅詠謂猶及暮春時

送徐元度

荷鍾深林春雨餘艤舟沙岸燕飛初去尋天上仙人佩肯願
山中隱者居霜月四更提劍舞田園二頃帶經鉏蘭茱柳密
南簷下佇子雲間枉尺書

送朱善長

之子才華足起予迥如明月麗清渠方誇道韞哦春雪已見
梁鴻挽鹿車榕葉擁匡山店遠海濤喧枕夜城虛明年好鼓
澄江柁歸奉江波雙鯉魚

題本立中上人雲山望松圖

西望雲山何處亭鶴歸松栝秋冥冥上人不廢慕我句山室
長書貝葉經未應佛法外孝弟之感仙手鐫碑銘過家上冢
世代隔慟哭亭前蘿月青

次朱孟辨見寄韻兼柬立中蘊中二大士

江水空清好卜居會衝春雨過平湖雲山欲覓無聲句花果
誇傳沒骨圖莫倚陸機曾入洛最憐張翰獨思吳本瓊二士
平安否應共清吟對酒壺

丁卯歲及第謝恩

薩天錫

禁柳青々白玉橋無端春色上官袍卿雲五彩中天見聖澤
千年此日遭虎榜姓名書勅紙羽林冠蓋豎旌旄朝回龍尾
頻回首午漏花深紫殿高

登石頭城

登臨未惜馬蹄遙古木秋高夢葉凋廢館尚傳陳後主新碑
猶載晉南朝年深輦路埋花徑雨壞山墻出翠翹六代興亡
在何處石頭依舊打寒潮

贈女道士

不見遼東丁令威舊遊城郭昔人非鏡中春老青鸞去華表
山空白鶴歸石竹淚乾斑雨在玉劔聲斷綵雲飛洞門花落
無人掃獨坐蒼苔補道衣

訪揭曼碩

城中車馬多如雲載酒問字無一人碧桃花開光艷々硯池
水暖波粼々先生猶書白晝靜家童畫紙烏絲勻落紅滿地
送客去十年不見江南春

題舒真人仙山樓

瑤花琪樹間霓旌十二朱樓接五城臺上吹簫秦弄玉雲邊
度曲許飛瓊光流漢殿青鸞舞霞擁函關紫氣明方丈蓬萊
俱只尺不須東望問長生

次韻送虞先生入蜀代祀

芙蓉仙掌座中低，后土宵光手可齊。
閣道蹴雲衣有潤，蜀天漏雨石無泥。
岐山過馬應聞鳳，陳宝停輶莫信鷄。
揚馬大邦文物盛，題詩須近草堂西。

寄也先不花仲實除侍儀通事舍人

舍人楚之好容儀，立在清朝白玉墀。
紫袖窄衫花萼繞，黃金小帶荔枝垂。
彩旗拂柳春班捲，宮漏穿花午仗移。
朝罷清明無事日，芙蓉葉上好題詩。

京城春日

三月京城飛柳花，燕姬白馬小紅車。
旌旗日煖將軍府，絃管春深宰相家。
小海銀魚吹白浪，層樓珠酒出紅霞。
蹇驢破帽杜陵客，獻賦歸來日未斜。

芙蓉

班簾十二捲輕碧，秋水芙蓉隔畫闌。
綉扇迎風霞透影，錦袍弄日酒生寒。
湘魂翠袖留江浦，仙掌紅雲濕露盤。
只恐淮南霜信早，絳紗籠燭夜深看。

登鳳皇臺御史大夫易釋董阿公索詩援筆應命

六朝歌舞豪華畢，商女猶能唱後庭。
千古江山圍故國，幾番風雨入空城。
鳳皇飛去梧桐老，燕子歸來楊柳青。
白面言生空弔古，日陪駸馬綉衣行。

奎章閣觀進皇朝經世大典

文章天子大一統，館閣詞臣日纂脩。
萬文奎光懸鳳闕，九重春色滿龍樓。
明開金鑰芸香動，簾捲銀鈎硯影浮。
聖隱日長萬機暇，墨花流出鳳池頭。

送馬伯庸除南臺中丞

僕馳驅遠近至上京復改徵政以詩贈別伯庸有烟雨萬竿句

江南驛使路迢迢
遠赴龍門望海潮
桂殿且留脩月斧
銀河未許渡星橋
隔花立馬聽更漏
帶月鳴珂趁早朝
祇恐淮南春色動
萬竿烟雨綠相招

送管監司之廣東元帥

持節曾臨江漢上
分符又入瘴雲間
華駘一日行千里
金虎三珠照百蠻
夜帳旌旗天接水
秋營鼓角月連山
九重應有平遙詔
日聽將軍奏凱還

柬劉尊師

羽人推轉阿香車
童子穿松拾翠華
天上賜衣霖雨露
山中詩錦織雲霞
瑤壇紫氣秋橫劍
石室丹光夜走砂
擬借茅君三日鶴
乘風騎到玉皇家

寄王本中

王郎楚楚金閨彥
五鳳樓前看鬪鷄
花外漏傳銀箭午
日邊班退紫宮西
吟詩月白傾盤露
歸馬春紅踏錦泥
應念栖遲江左客
破窓燈火雨凄凄

層樓

廣寒世界夜迢迢
醉拍闌干酒易消
河漢入樓天不夜
江風吹月海初潮
光搖翠幕金蓮炬
夢斷瓊樓碧玉簫
林唱後庭舊時曲
六朝宮殿草蕭蕭

余除閩憲知事未行立春十日衆政許可惠茶寄詩謝之

春到人間絕十日
東風先到玉川家
紫微書寄斜封印
黃閣香分上賜茶
秋露有聲浮薤葉
夜窓無夢到梅花
清風兩腋歸何處
直上三山望海霞

○雪米

萬斛珠璣寫大荒。六丁誰爲發天倉。雲孫捧出南箕飯。月姊
春來北斗量。狼戾也知逢稔歲。貯儲元不濟飢腸。風流瀟上
尋詩客。千古無人說糶糠。

西宮春日

九重五采金銀闕。冠帶將軍盡羽林。上苑春鶯隨柳響。西宮
午漏隔花深。天開閭闔收金鎖。簾捲奎章聽玉音。白髮儒人
賣詞賦。長門應費萬黃金。

越王臺懷古

越王故國四圍山。雲氣猶屯虎豹關。銅獸暗隨秋露泣。海鶴
多背夕陽還。一時人物風塵外。千古英雄草莽間。日暮鷓鴣
啼更急。荒臺野竹雨斑斑。

過萬壽寺有感

虎踞龍蟠王氣多。雲深石磴碧嵯峨。珠峯獨上金陵勝。寶地
長經翠輦過。花木舊曾霑雨露。殿臺今見近星河。登高願效
封人祝。萬歲千秋保太和。

題馬昂夫爛柯山石橋

洞口龍眠紫氣多。登臨聊和紫芝歌。爛柯仙子何年去。鞭石
神人此地過。烏鵲橫空秋有影。銀河垂地水無波。遙知題柱
凌雲客。天近應翬織女梭。

僕官燕南漢文濟王賜彩段

夜臺東南五色雲。曉聞使者已臨門。府中重遣年前賜。幙下
多承望外恩。芝草暖霞浮露彩。藕絲秋水織霜痕。何因得侍
西園宴。官錦淋漓獻壽尊。

京師春夜呈宋禮部

柳色無端染翠裙。官街車馬去紛紛。鶯花御苑春多少。漏箭
宮壺夜幾多。金縷悠揚燕市月。玉簫繚繞鳳樓雲。太平天子
恩如海。亦遣餘音客枕聞。

梅魂

枝南枝北夜迢迢。飛入孤山伴寂寥。水月浮香應自返。溪風
弄影為誰招。縞衣夢裏和愁斲。玉笛聲中逐恨消。似欠靈均
歌楚些。逋仙墳冷草蕭蕭。

海螯

層濤擁沫綴蝦行。水母全秋孕地靈。海氣凍凝紅玉脆。天風
寒結紫雲腥。霞衣褪色冰涎滑。瑤縷烹香酒力醒。應是楚江
浮實老。悞隨潮汎落滄溟。

手帕

一幅鮫綃對角裁。出懷風送粉香來。鞦韆架上扶絨索。玳瑁
筵前捧玉盃。塵拂鳳笳籠笋指。夢回鴛枕襯桃腮。傷春多少
斑斑淚。袖褪長防阿母猜。

偕廉公亮遊鍾山

十里松風吹酒醒。馬頭雲氣碧崢嶸。空山落葉時聞雨。古塔
疎林晝見燈。勝地難逢今日會。舊遊却憶向年曾。使君五老
降前去。應有新詩寄病僧。

贈陳衆仲

江南少識陳衆仲。關下聲名北斗齊。直閣每從花底過。揮毫
曾向御前題。觀魚小海鳳爭浴。立馬上林鶯亂啼。今日西湖
湖上路。獨騎款段踏春泥。

送王習靈新授宗師朝宗

王珮珊下界聞天風吹動碧羅裙劉郎跨鶴遊三島王子
吹笙到五雲花洞夜深傳玉印石壇月黑禮茅君若逢天上
吳夫子應問丹砂有幾分

錢夏元帥

方求

旌麾來鎮廣之東海嶠清寧悉向風禮樂三千行筆下甲兵
十萬貫膏中政聲藉之雷轟道歸興匆匆月滿蓬待得閩山
膏雨足入當鈞軸佐宸聰

奉贈魯學士

張伯雨

閣道如珠環太極天風浩蕩曳天裾雲行龍尾隨金仗日照
螭頭侍玉除四海聲華周典禮一時人物魯璠璣願臻咸際
無為化寧讀人間非聖書

鳳皇山懷古

江左夷吾浪得名豫州英槩亦沉冥夕陽枯木山如赭秋雨
荒臺草自青漢苑玉魚誰復葬昭陵石馬亦無靈可憐白髮
商人婦猶向燈前話后庭

題西湖何氏隱真館

鷄犬雲中豹一斑路隨仙冢昔躋攀說經僧去黃龍卧負藥
童歸白鹿閑酒仰林田陶令宅井分丹水葛洪山不因草結
碧臺約此地從知幾往還

次孫大方仙典詩韻

仙仗來時瑞霧屯真人玉女侍靈軒亭亭珠穗香烟直爛爛
樽葉玉色溫華雨掃塵縹緲濕島雲承襪蜃樓昏至今星斗
天壇夜望拜青都虎豹門

碧筒飲

採綠誰將作羽觴竹林人共晚樽涼玉醪沁露心微苦翠筩
承雲手亦香飲海龜藏蓮葉冷吸川鯨恨藕絲長舉杯誤展
琳瑯袂笑殺耶溪窈窕娘

和伯溫春遊

草木幽香澗道微白雲拄杖去如飛獨尋玉女洗頭處相伴
仙人採藥歸幾疊翠微深杳杳一簾紅素亂霏霏可堪酒債
兼詩債老却江南白苧衣

送人之茅山

桃竹齊眉草履柔江雲濕重木綿裘茅山一去五百里楚月
相望十二樓林下甌香黃獨月松根鉏冷茯苓秋藥瓢料得
歸來滿多病微軀我亦求

題桐栢觀

百折丹梯杪萬松鳳笙臺殿赤城鍾親從海上求司馬寧復
山中起卧龍瓊闕排雲窺坐席銀橋乘月認仙蹤真人及此
東行日笑說盧敖向九峰

鶴冢

鶴壽千年定有無羽衣蟬蛻雪模糊樵人與畏玄黃被少保
親傳粉墨圖坏土未乾青草短三山何在白雲孤夜寒蕙帳
應岑寂初向華嵩覓鳳雛

雲林清遠

華陽范監居幽眇不到玄窓未易逢山氣半為湖外雨松聲
遙答嶺頭鐘常養神女騎龍過亦有仙人控鶴從安用乘流
三萬里小天元住積金峰

送徐宗師還山

丹鳳樓前送羽車清詩滿裏出京華雕虫徒刻千年楮補袞
原餐五色霞太白晚傳青綺帔元方早授玉門沙要知不隔
金闈夢長是相逢太極家

上京賜宴王眉叟有詩次韻

後事何緣過草堂行都遣賜玉壺方遠勞使者紅塵騎爛蕪
仙家白石羊中聖敢辭千日醉承恩獨許四明狂金莖賸有
三清露潤及葵心向太陽

天師素華閣

仙家樓觀風塵表更築凌空月榭高虛白豈知存夜氣太清
還許隔秋毫溪光澹々冰填壑松響離々雪舞濤此去銀橋
通只尺神仙直下有靈轡

雨懷郭子昭御史

洞戶霾雲書不開大茅南面水縈迴深山此日蛟龍喜舊雨
故人駘馬來礪道浮槎高安樹石幢陰篆濕生苔銷愁底用
金陵酒贖引窪尊枕瀑雷

題范德機東坊藁

一編上有東坊字慚愧詩中見大巫直想瘦生如飯顆竟從
穠處得麻姑咸池水淺孤黃鶴空谷天寒照白駒擬共風流
接盃酒只愁塵土沒雙鳧

寄倪元鎮

雨水初寒雪復作春風相欺何太顛誰依井竈皆獸迹獨擁
書冊猶寫肩枸杞埋根乍難斷櫻桃放花殊可憐賀監宅前
舊遊處快放柳條維酒舫

魏國趙夫人管君挽章

曾謁西池闕殿春賜封大國寵疏頻擇壻當年郝太傅能書
今日衛夫人玉鏡離臺空掩月寶衣堆折暗凝塵千秋鄉中
名不沒墓有通鬼書老銀

次韻元鎮

衣桁常容蛛網懸石床渾讓女蘿牽道術何煩孔郎祀屋廬
政用却超錢泉崩澗底歸樵路雨壓廚頭蒸木煙誰見西鄰
拆書夜一枝風竹鷓鴣眠

懷茅山

我有草堂南洞門常時行坐虎同群丹光出林掩明月玉氣
上天為白雲遙憶田泉洗蒼木更思陶澗采香芹歸來閉戶
償高卧莫遣人書白練裙

贈一齋進士

鐘伯紀

前朝進士今為渡海上淹_拙歲食貧風雨厭看花富貴冰霜
愛駕竹精神南州冠珮閒中老北極星辰夢裏真邂逅相逢
同一笑蒼顏白髮老遺民

書湖廣省中壁

元復初

鼎湖龍去欲無天臣抱烏_丸淚作泉四海重瞻堯日月萬年
長獲禹山川息波浩蕩涵_口物文運休明屬聖賢竊祿四朝
無寸補何堪西掖進經筵

次韻危虛室過居庸用

一山萬里限中原神鑿居庸百二川峰勢陁回愁障日地形
高出欲捫天風沙漠_龍立遠雲物沉_鳥道穿眼底興亡
誰解寫石琴秋水學冰絃

寄翰苑諸公

蒼烟綠樹滿汀沙負手行吟日又斜
江有時窮地脉海雲何處是天涯
生前幾醉尊中酒夢裏曾來海上槎
惆悵懷人重回首晚風吹盡紫薇花

秋筓次廉右丞韻

辛好禮

清秋虛館草堂開數尺新筓
手自我不待春雷驚裂石即看
蒼玉靜穿苔風雲來往存宜
節雨露涵濡見異材總道相門
多懿德起歌綠竹詠南垓

天壽日簡行禮者

去歲因登白玉筵漢官儀兩習朝
天雨多金殿生清氣日照璇階
上紫烟在野只知存細關趨宸
深念拜嵩年腐儒通籍嗟何補
只有丹心似日懸

登梅仙觀

蓬萊縹緲青上海客初晴駐錦袍
萬竹蛟龍森寢宅中天樓閣擁波
濤清秋近見銀河落入平看北
斗高銷盡半生塵土夢玉笙此處
醉金桃

題雲邊草堂

晴雲如雪樹重草屋憑江可邊
明月花遲晚陰行白鹿墨池
春雨下蒼龍卧思諸葛管巴蜀
靜無多希夷對華峰六月一來
因看劍雷霆一夜起長松

金陵懷古

佳麗曾看六代諸繁華今見委泥
沙江山銷盡金陵氣風雨凋殘
玉樹花碧井雲深龍有穴畫梁
灰滅燕無家詩成謾憶千年事
老樹蒼蒼集暮鴉

宿洞陽觀

洞陽觀裏看明月，雲霧軒窗掛六鰲。五月蛟龍吹水上，四更星斗去人高。山陰羽客黃庭字，太白神仙宮錦袍。遙望長空意無限，九霄何處醉仙桃。

贈道者方丘生

龍翔鳳翥丹臺宇，曾向神清絕巖霞。每共野人臨石鼎，更從勾漏問丹砂。金精月落逢騎虎，銀漢秋高欲上槎。惜別臨風一揮手，他年應寄棗如瓜。

聽吹簫次韻寄易鈞鰲

紫臺天遠易春殘，夢繞西家芍藥闌。金谷酒香潘賦就，綵雲聲斷史簫寒。書回青鳥三山迥，星望銀河一水寬。多病相如情似雪，金華玉露托幽歡。

與澄心寺住上人製佛碑文

蕭蕭疎雨到寒廳，盡日無人半掩扃。秋樹委霜寒更落，暮鴻投渚靜還輕。青蔬野飯同僧喫，翠剡枯藤待客銘。歲晚天涯戎事息，孤槎何處寄春星。

宿靈鷲寺

高人久矣念離群，來向山中禮白雲。龍送雨過留客住，鹿嘶花至與僧分。疎星出竹昏時見，流水鳴渠靜夜聞。却憶故人江海上，題設誰似鮑參軍。

題希明書齋

蕭蕭疎雨繞殘除，花滿堂陰映碧虛。樺子燒香留宿火，野人汲澗瀉行廚。鷄楓樹影翻經貝，馬乳藤梢走篆書。幾日題詩幽寺遍，芸炷渴盡玉蟾蜍。

海子橋晚步寄友

停驂搔首照殘年絕似東歸海上仙
萬里斷魂燕地草一春送客淞津
舡道関暮繞連環碧灤水晴分束
帶圓之子徘徊隔遥渚長歌因寄
白雲篇

送高舜臣會試

楊廉夫

公子才名玉牒賢鄉書累薦許誰先
可無大對三千字獨抱遺經二十年
曉日天門金字榜春風官馬錦花韉
鳳皇臺上泥金帖早報瓊林第一仙

寄康趙二同年

榜中龍虎稱康趙每見除書作要官
一代文章驚海内百僚風采聳朝端
諫章長聽尚書履柱史方知侍御冠
楊子十年名不調看花猶似夢長安

寄李二御史

楊子十年官不調豈無詞賦列時髦
青真遠隔新持斧露猶刁舊賜袍
共喜諸公當北首可容獨客卧東臯
斗牛清夜能回首一道豐城劍氣高

寄丁仲容

帝王州裏丁令子一時才氣絕無前
空勞太史觀星象未向金陵捉酒仙
獨唱斗南詩似醉歸月下馬如舡
封書已寄子山鶴共上揚州十萬縑

送僧歸日本

東風昨夜來鄉國又見堦前日
天草青金錫躡空靈鳥逝宝珠
嗅海毒龍腥車輪日出扶桑
出笠盖天傾北極星我欲東夷
訪文献歸來中土校全經

贈瓊花珠月

新年春色在隣家
隊子三三取小館
娃月滿十小珠有價花開
第一玉無瑕
葡萄酒灑沉櫻田
翡翠裙翻踏月牙老子圍紅
先點筆詩成免飲白蓮花

翡翠巢

羅浮花使先春到來
傍玉樓西處巢舞雪
艷翻楊柳絮歌雲
輕壓海棠梢
屏開時露鴉頭
成絃斷應嘶鳳
觜膝却笑雪衣
娘太劣雕籠深鎖未全教

醉和篇字韻

夜來病酒朝來眠
樂府新聲浪傳燕語
鶯啼帝春箇之花枝
草蔓錦篇之虎頭品
藻成三老監風流
擅入山莫唱回風
到秋葉瓊花舞袖正嬾娟

嬉春體五首

錢唐四上作

今朝立春好天氣
況是太平朝野時
走向南隣覓酒伴
還從西墅買花枝
陶令文辭彭澤縣
山公只愛習家池
宜春帖子題贈爾
日日春遊日日宜

西子湖頭春色濃
望湖樓下水連空
柳條千樹僧眼碧
桃花一枝人面紅
天氣渾如曲江節
野客恰似杜陵翁
得錢沽酒勿復較
如此好懷誰與同

何處被春惱不徹
好春最好是湖邊
不須東家借騎馬
自可西津買鷓船
燕子繞林紅雨亂
鳧鷖衝岸浪花圓
段家橋頭握色酒
重典春衣沽十千

入山十里清京國
三百樓臺迤邐開
岳王墳前吊東度
隱君寺裏話西來
接果黃猿呼一箇
採花白鹿走千回
風流文采

湖山主髮白應須屬有才
長城小姬如可憐紅絲新上
琵琶絃可人座上三珠樹美酒
沙頭双玉船小洞桃花落香
雪大堤楊柳掃晴烟明朝紗帽
青藜杖更訪東林十八仙

溪舫齋

道人自愛溪屋好溪屋小如
畫船錦袍每愛月下坐醉眼
忽疑蓬底眠蘆葉秋風一鷹
桃花春水雙漚前何時挈家
海上去拾得驪珠如月圓

送秦刺史赴召史館

會稽太守文章伯玉牒仙人
第一籌柱下去為周文史枋頭
今見晉春秋衰朝閨厄三分國
治鑑明開十二旒柱筆須裁

正色一香烟

過沙湖寄五山伯仲

五月落殘梅子雨沙湖水高三尺
強大風開帆作弓滿白浪
觸船如馬狂唱歌賣魚赤髯老
打鼓踏車青苧娘故人相見
在樓下坐對玉山懷草堂

無題四首

當軒隊子立紅靴龜甲屏風擁絳紗
公子銀瓶分汗酒佳人
金勝剪春花曲調青鳳歌聲轉
觥進黃鵝舞勢斜五十男兒
頭未白臨流洗馬走江沙

主家院落近連昌燕子歸來
舊香梁金埒近收青海駿錦籠
初教雪衣娘卷衣甲帳春容早
吹笛西樓月色涼今夜阿鴻
新進劇黃金小帶荔枝裝

二月皇都花滿城美人多病苦
多情一雙孔雀銜青苔十二

飛鴻上錦箏酒掬真珠傳玉掌羹不甘露倒銀罌不堪容易
少年老爭遣狂夫作後生

天街如水夜初涼照室銅盤璧月光別院三千紅芍藥洞房
七十紫兜央綉靴蹋掬勾驪樣羅帕垂彎女直妝頤尔康強
好眠食百年歡樂未渠央

錢唐懷古

天山乳鳳飛來小南渡衣冠又六朝劫火不燒楊璉塔箭鋒
猶抵伍王潮燐光夜逐山精出王氣秋隨海霧消獨有宮人
斜畔月更闌猶目照吹簫

送強仲賢北上

江南燕之作春聲送客津頭夢已驚北闕書箴朝待詔西湖
客散夜吹笙天門看榜星辰聚春仗隨班日月明芸閣故人

應問訊揚雄將老太玄經

題趙文敏公自作小像

三身寫影不離禪孟字王孫有像賢蚤向古軍臨蠶紙晚從
居士學龍眠每懷白羽西風外忽見青藜太乙前白髮南冠
元自好底須天策畫神仙

經過太平宮舊址

定子靜

開元皇帝太平宮殘戟重臨玉殿空龍虎氣收仙井上風雷
陰護石幢中秋清雪瀑千尋落雲際天梯九疊通安得香爐
峰色裡更看飛觀紫冥濛

感懷

迢遞居庸翠接空龍沙峰盡汴梁官山川舊拱堯都壯島服
遙連漢使通汗馬秋高猶冀北玉禾歲熟自遼東浮雲一壘

猶悲感惟有年々度塞鴻

錢唐懷古二首

蕭宇

海門寒日淡無輝
偃月當深玉漏稀
萬竈貌貅江上老
兩宮環瑤月中歸
內園羯鼓催花發
小院珠簾看雪飛
不道帳前胡旋舞
有人行酒著青衣

鐵馬悲鳴汴水黃
翠華南渡駐錢唐
至今父老稱行在
往昔君臣認故鄉
銀海鴈飛虛夜月
銅盤仙去只秋霜
乾坤會合寧非數
詩罷長吟意渺茫

文翰類選大成卷第六十二 七言律目錄

元

薛玄卿十一首 杜文玉一首 楊煥然四首 楊正卯二首

姚端甫四首 王革一首 段克己二首 段成己一首

魏璠一首 趙春洲一首 許仲平十一首 王盤一首

何得之一首 宋衛一首 趙世延一首 陳益稷八首

程文海二首 梁貢父一首 郝天挺一首 李子構六首

施則夫四首 李景山一首 張仲疇二首 曾子白三首

王尚志二首 張希孟一首 歐陽原功五首 王止善三首

聶古栢二首 趙仲光一首 危山臞二首 王繼學二十首

林霽山一首 郭以道二首 王仁父二首 牟獻之一首

董性存三首 許叔瑛二首 董良史二首 錢思復六首

蔣季和二首岑易直一首郝伯常一首李仲公一首

羅友道一首黃君瑞三首陳梓卿一首袁德平一首

胡汲仲一首盧彥威二首吳師道六首祝蕃遠一首

陳思濟二首杜原父五首王見夫一首王靜得二首

蘇仁仲二首鄧孫壁一首真少民二首程允道一首

杜仲梁六首吳養浩二首卞子珍二首戚夢解一首

李國用一首譚見心一首俞鎮二首金選之一首

楊鵬翼一首韓伯高一首段吉甫一首吳楚望五首

謝宗可五首趙君謨一首卞宜之一首張惟庸三首

楊飛卿八首陳濟淵一首陳君從一首桂懷英一首

孫居仁一首陸德陽六首戴表元二首姚易之二首

陳中台一首劉茂上二首劉伯琛一首卞雅謨丁二首

愛理允中一首丁守中四首

文翰類選大成卷第六十一言律目錄

文翰類選卷第六十一

詩類七言律

元

簡暢廉訪

薛玄卿

名家世代產賢臣
清白流芳邁等倫
栢葉拂堦迎豸角
紅雲擁殿識龍鱗
揚當詩律知無敵
薛稷才華愧不純
江左掃清雖一道
裏行猶賴濟斯民

華素臺

銀臺錯落照長春
泰宇清明絕點塵
星斗九天多楚越
山河萬里畛甌閩
花邊絳節招援鶴
雲裏丹梯駐鳳麟
戲馬歌風

何足數初陽今古對天人

張舍人遥碧樓

西北高樓入九天楚雲吳樹子娟娟
玉浮翡翠流青草金削芙蓉列紫烟
方廣尚藏周典禮故家猶繼漢神仙
想應公子登臨處明月吹笙彩鳳旋

慶黃晉卿任江洲儒學提舉

憶昨追隨到上台鰲頭先奪錦標回
道人獨竇龍鵝帖天子曾驚倚馬才
禮以二儀宗太極名因三賦重蓬萊
只今教雨司吳越絕勝文翁化蜀來

題劉景升歸潛堂

獨構茅堂養道直滿前俗事罷紛紛
纒磻溪夜釣波心月汾曲春畊隴
上雲長笑熊羆勞應夢肯教猿鶴
然移文近來傳得

安心法萬壑松風枕上聞

送文郎中使交趾

天子龍飛統萬邦玉符封檢下殊方
遠人盡是雕題獠奉使惟應粉署郎
翡翠飛時銅柱濕鸚鵡啼處石門荒
炎風苦雨煩玕重蔓葉攢椰取次嘗

萬歲山次韻

萬歲仙山聳碧空廣寒官殿取當中
雲移錦石通三島路繞銀河接兩宮
孔雀花濃深駐口鳳凰枝老細含風
年年歲歲經遊輦自是昇平樂未終

送陳都事使雲南銓選兼柬李廉訪

送君銓選使滇溪部落諸夷自品題
明月臺回雙子北長風吹度夜郎西
山伶塞雨驕驕滑花落蠻雲杜宇啼
為問霜臺

李學士白頭官滿尚羈柙

送朱本初之玉隆宮

西山紫翠簇芙蓉師住逍遙第一峰
慎勿挽弓思射鹿祗須鑄鉄學降龍
閒穿曉月鋤雲藥醉拂秋風卧古松
應憶京華舊遊處蓬萊坊畔五雲重

大駕度居庸關

居庸雄據萬重山南北門小作漢關
鼓角動時森虎衛旌旗行處識龍顏
禪宮路轉風烟合御苑春深草樹閑
待得長楊圍獵罷又隨車騎此中還

次韻王侍郎上都見寄

灤水東風淨物華石鰲峰下駐仙車
清明草檢歸苗閣勝日開筵近紫霞
殿萬戶砧声聞別館九天秋色落誰家
仙郎賦罷

長回首南去還乘八月槎

秋魚 杜文玉名瑛號映山

壯心忽劇懸旌秋氣能令客子驚
白鴈不聞雲外過清霜先向鬢邊生
銅駝巷陌周東土金鳳樓臺鄴北城
千古繁華俱一夢空餘草木戰風聲

長安感懷

楊煥然

此心直欲作東周再到長安已白頭
往事無憑空擊揖故人何處獨登樓
月搖銀海秦陵夜露濕金莖漢殿秋
落日酒醒雙泪眼幾時清渭向西流

呈公茂

冰雪相看十五年照人風采只依然
我今自亦蓬蒿底君獨何心道路邊
渭北幾時無夢寐終南在處有林泉
不妨便作

求田計伴取疲揚草太玄

寄商夢卿

一望東原一惘然
去肉誰與伴
高眠秋風有意招
張翰春草無由見
惠連王母信音青
鳥外溪翁心事白
鷗邊殷勤為向
疾芭道判却殘年
老太玄

病中趙之讓見訪

洛陽二月不得雨
君家西來常苦陰
酒杯雖好怕到手
藥裹底事猶關心
對床幾日肯相就
擁被中宵愁獨吟
莫疑衰疾便揮謝
解吐新句酬知音

洛陽懷古

楊正卯 名果蒲陰人

洛陽雲樹鬱崔嵬
落石行人首重回
山勢忽從平野斷
河聲偏傍故宮哀
五噫擬逐梁鴻去
六印休驚季子來
惆悵青槐

舊時路年、無數野棠開

過狄仁傑墓

北鷄聲裏紫宸寒
神器都歸竊弄間
一語喚回鸚鵡夢
九霄奪得鳳雛還
荒墳寂寞臨官道
清節孤高重太山
為問瘦校蘇相國
當時相見果何顏

留別和杜紫微韻

姚端甫

身世支離似敗衣
有文難却魯陽暉
不知此日公車召
又復何時野服歸
花信正愁風駭蕩
麥苗還喜雨霏微
分携江上休回首
恐見鶻鳥作背飛

○ 癸巳九日

去歲君山孤棹遊
如今盡室石城州
明年白髮乘榆日
何地青山萸菊秋
客氣已為強弩末
宦情空遠大刀頭
果成問舍

求田策未讓元龍百尺樓

次韻時中

多君聞道粗知歸雲霧何人識少微爾後驂驢終獨步目前
鷓鴣鳥不群飛淮南數日將寒食客重三春尚臘衣安得鑿坡
同給札不妨首宿對朝暉

別王良輔

只聞官罷尚荊州不謂相逢郢水秋如我避賢三退舍與君
為客一登樓人才妄自金鳴冶世事從渠劍刻舟明日分携乃
武昌去應煩南夢到滄洲

戊辰冬之赴試西京

王革

慣製蒼龍曉漏鍾受恩曾入大明宮食浮扇影迎初日人逐
鞭聲靜曉風轉首俄驚成異世此身_此在已衰翁負回五十

著麻衣待至公

家弟誠之詩韻

欲歸誰不遣君歸却恨歸來事_事中

良是故人稀黃金入手還能散白雪盈頭不肯飛試問春愁
都幾許長江深日暉暉

雨後漫成

羈思絲_絲不易裁晚涼扶病獨登臺翻_翻幽鳥避人云_云殷_殷
輕雷送雨采已拚此身閑裏老且將笑口酒邊開安車待聘
非吾事休作孤山隱逸猜

燕城書事

魏璠

山勢回還西北高強燕自古出英豪地連雲朔偏宜馬人襲
衣冠盡帶刀塵暗玉樓無鳳宿雲埋金水似龍韜可憐一片

繁華地空見春風長綠蒿

感事

趙春洲

美人休唱渭城歌芳草依依自碧波可與共言今則少不如
意事古來多青天皓月元無礙白日黃塵欲奈何却笑江湖
釣竿手十年留滯負漁蓑

七月望日思親

許仲平

思却千思與萬思音容無復見當時草牕夜靜燈前語疏圓
春深膝下嬉將為百年供色養豈期一日變生離太山為礪
終磨盡此恨綿綿未易衰

雜言

花遞香風入短檣草抽新綠倚柴荆正憂多病作身累且喜
幽居見物情花為可觀遭天折草曰無用得欣榮世間巧拙

悴不堪聞病來與死傳消息老去

無家遺子孫故里追追頻入夢春城凝眺獨消魂如何藉我
知音力五畝歸耕沁北村

栢溪歸隱

果肯歸來學隱淪閑中別有一乾坤可入碧草自生意入枕朱
絲醒醉魂花滿春風看錦浪水明涼月話黃昏此中意趣知
多少莫向簾櫳取次論

贈寶先生行二首

西山山下覓幽村水竹隣居擬卜君豈意天書下白屋便收
行李入青雲功名准與英賢立得失防因去就分萬里風沙

南北請歸消息幾時聞

莫謝風沙老不禁斯民久已渴商霖願推往古明倫學用沃
吾君濟世心甫治看將變長治呻吟亦復化謳吟千年際會
真難得好要先生著意深

偶成

屈指年華四十二歸來憔悴百無堪遠懷未得生前遂俗事
多因困後諳百畝桑麻負城邑一軒花燭對烟嵐絲絲世態
終休論老作山家亦亦甘

答董端卿

鑿削胼胝掌中堅檐穗椎高與頃連涉世更誰如我袖保身
從昔慕君賢青山有約期終老白日無閑閱舊編漸負新詩
未能謝且容竭力趁畊田

蛟龍不肯脫淵深鳥雀遠知空似茂林笑我羈孤成蹇予今
衰老復駸、困米未易追前、予病久猶當屈壯心聞道西溪
田可得安栖從此有佳音

謝梁安撫惠田

晚年幽興入幽居擬即君侯置一區令德久思親慷慨佳田
今幸乞膏腴太行西對千峰玉一洪水東窺萬斛珠幸著此身
於此老顏從樂正五人俱

贈李生

防病須防未病時病臨休恃藥此醫寸瘡潰處全身死一息
差來五藏危禁盜更知先禁博古寸毛未必勝存皮萬般補養
終成偽只有操心是要規

○ 挽文丞相

王磐

大元不殺文丞相。君義臣忠兩得之。義似漢皇封齒日。忠於蜀將斫顏時。乾坤日月華夷見。海嶺風霜草木知。只恐史官編不盡。老夫和淚寫新詩。

飲酒

何得之

野人早起懶梳頭。遙見青帘一日休。席破貧書曾廢食。鷄鳴趁利得無羞。况兼老病將為鬼。那更居浮強作囚。但願尊靈容我了。烏鳶螻蟻任渠謀。

次范葑莊韻

宋衙

家近西湖六月涼。蘭舟桂檣芰荷裳。海門潮上波濤壯。天竺風來草木香。今日悲秋我楚些。他年著論辨吳亡。君才位貴聞人說。宜侍詩仙七寶林。

代祀南岳登祝融峯

趙世延

天風吹我躡雲根。一覽群山蟻垤紛。瀛海波翻初日上。石壁人語半空聞。炎荒竹鎮荆吳遠。元氣浮形天地分。何日京書煨芋室。孤峯絕頂看浮雲。

扈駕畋柳林

陳益稷

仙仗平明擁翠華。景陽鍾動海東霞。殿千官捧日臨春殿。萬騎屯雲動曉沙。白鷄籊籊山霧薄。黃龍旗拂柳風斜。太平氣象同民樂。南北梯航共一家。

大明殿侍宴

班陪玉笋侍紅雲。日表熙和瑞氣溫。萬派朝宗滄海潤。衆星環拱紫宸尊。雍容湛露歌詩什。彷彿鈞天入夢魂。孤孽秋毫皆帝力。頭殫忠赤報深恩。

挽河南王

哲人萎矣棟梁傾回首西風涕泣咽零三世功名今古史百年
過客短長亭手扶紅日名猶在才就黃梁夢不醒記取汾陽
舊勳業紫微留種繼芳馨

送元復初

江流脉脉草離離黃鶴磯頭酒一卮報國寸心憐我老論交
半面識君遲正當重鼎調梅日又是長亭折柳時滿載詩書
歸路穩鳳城依約更相期

謝青宮賜酒

黃封星使控麒麟騰踏高風拂路塵仙醴釀成天上露官壺
分賜臚前春恩深雨露紀波濤酒氣轉東皇草木新拜徹雍容
歌既醉遙觀鶴禁喜津津

萬歲山侍宴

碧落鳴鑾隔山塵玉京開宴會星辰行回鰲背三山雪酒上
龍顏萬國春物被仁風榮御苑水涵玉澤溢天津越南羈旅
陪賓列殿之光瞻日月新

送駕之上都過關口而回

控轡追隨寶馬群古長城外送金根仙蹤縹緲遠客路
時嗟燕尾分喜見重瞳開日表何勞八翼夢天門掖岩有約
人知否幾度來關看白雲

上都回宿赤城站

塗山執玉會諸侯宴罷回程宿嶺頭白海雨來雲漠漠赤城
秋入夜颼皇圖萬里乾坤濶客路幾年身世浮驛吏驚呼
詩夢破一聲鷄鳴隔雲州

題許仁仲詩卷

程文海

殘雪詞林退食時
小窓開卷鬢如絲
音傳正始誰同調
氣逼元和稍自持
文字不隨前輩盡
風流只許後人知
霜清月冷梅花瘦
獨對熏爐看欲疑

和王寅夫郎中元日立春

馬蹄鹿裏度芳辰
帶得陽和到一闌
山翠倚天迎好客
風光滿地屬吟身
高情古柳仍青眼
壯態天桃自絳唇
從此不憂江海遠
春官袖有十分春

六陽樓

梁貢父

樓前秋水健帆開
樓上涼風舞袖迴
萬里舟航通鳥道
四時雲雨護龍堆
江山如此不一醉
祇月幾何能再來
欲問老髯求鐵笛
月中吹上紫荆臺

○ 麻姑山

郝天挺

路入尋幽景便嘉
石田遙草世巾烟霞
注經洞古亡遺檢
養藥爐存失舊砂
青鳥空傳王母信
彩鸞應到玉皇家
岩扉不掩春長在
老却碧桃千樹花

禁城秋夕

李子樞

絳宮星淡海鬪波
九陌猶聞動玉珂
無闇微雲歲夕漏
建章明月挂秋河
此身天地流萍遠
故國關山落木多
欲聽鈞天塵夢隔
紫簾吹盡桂婆娑

都門春日

紫陌香塵逐玉珂
彤樓花暗弄巫和
光風已轉瀛洲草
細雨微注太液波
月榭管絃鳴曙早
水亭簾幙受風多
少年易感傷春思
喚取青娥對酒歌

元日和裴都事朝回

海上瓊樓接五城。人間歌吹近蓬瀛。雲移豹尾旌旗動。日射螭頭劍戟明。拜舞盡隨仙仗入。退歸遙認玉珂鳴。欣逢百草含春意。得傍東君煖處生。

送省郎楊耀卿使雲南

飄搖使節出金闈。郭隗臺前暫解携。天入五溪無鴈到。地經三峽有猿啼。子雲舊里風烟在。太尉水聲日月齊。後夜客槎何處望。秋河迢遞碧雲低。

壽杜侍御

黃閣老臣踵夔臯。法冠若佩陪霓旄。龍委蛇卷春水。一鷗得空明。秋毫華勛玉策耀天府。雄章吐筆翻雲津。舉觴獻壽碧桃晚。南極正與文星高。

和王御史春詩韻

鶯啼燕語花漸稀。天明海碧涵晴暉。洛陽臺榭春色在山陰。衣冠昔人非。夢雲何處燕瑤席。舞雪誰家裁。葺衣獨有荷樓無限意。年年烟草暮鴻飛。

咸陽懷古

施則夫

咸陽秋色草離離。千古愁雲鎖翠微。黃犬已亡秦鹿失。白蛇初斷漢龍飛。烟銷故國空流水。樹老荒城自落暉。應是驪山九泉下。死魂猶約去採芝歸。

金陵懷古

六代興亡事若何。鐵城空鎖舊山河。宮鹿已沒金蓮步。商女猶傳玉樹歌。廢苑落花春雨盡。古丘荒草夕陽多。秦淮無限英雄淚。愁向東風逐逝波。

真妃

端正樓頭樂未休二千歌舞從春遊誰知御帳金鷄寵信有
漁陽鐵騎愁玉笛聲沉明月冷錦囊香在暗塵浮何如出塞
琵琶女能靜風沙萬里秋

御溝紅葉已見雅正卿題四美圖何故重出

綵毫將恨付霜紅恨自綿水自東金屋有闢嚴虎豹玉言
無路托鱗鴻秋期暗度驚催織春信潛通悞守宮莫道天河
音信否明年錦樹又西風

留別都城諸公 李景山名京真定人

蒼龍雙鬣鬱岩堯曾侍駕鸞為趁早朝往事已隨塵袞袞虛名
贏得鬢蕭蕭長林豐草空相憶瘴雨蠻煙苦見招借問都門
門外柳為誰留著最長條

射柳

張仲疇

年少將軍耀武威人如輕燕馬如飛黃金箭落星三點白玉
弓開月一團簫鼓聲中驚霹靂綺羅筵上動光輝回頭却笑
無功子羞對薰風脫錦衣

送魯齋先生歸山

來時諸公入省闈先生承詔獨南歸道逢時否貧何病老得
身閑古亦稀行色一盃燕市酒春風二月故山薇到家已及
臘生日布穀催耕隴麥肥

邊情

曾子白

今傳部伍寂無譁野宿微聞奏遠笳霜氣蕩天懸漢月風聲
動地起湖沙手支長劍秋橫淚露滴征袍夜憶家自信此身
歸未得但令鄉夢到中華

次韻會朝支曹子貞

柳簇金溝蘸碧波雲深貝闕瞰重波鳳皇曲奏鈞天樂烏鵲
橋通織女河萬井閭閻春浩蕩六街車馬曉坡陀山人素有
林泉興奈此承明侍從何

送高叅政

鳳皇池上鳳皇來河岳從來出異材酒興半酣燕市空詩情
遠寄草堂梅風生黃閣推高誼星繞紅雲遍上台事業無窮
才有限春風桃李好栽培

明月樓次王碧虛韻

王尚志

王子吹笙醉未休絕怜夜半思真遊河流橫界三千里月色
斜分十二樓湘浦春回脩竹暗平山夢斷曉雲稠嬋娟不似
當年貌門掩西風紫桂秋

射柳

張仲疇

年少將軍耀武威人如輕燕馬如飛黃金箭落星三點白玉
弓開月一圍簫鼓聲中驚霹靂綺羅筵上動光輝回頭却笑
無功子羞對薰風脫錦衣

送魯齋先生歸山

家：諸公入省闈先生承詔獨南歸道逢時否貧何病老得
身閑古亦稀行色一盃燕市酒春風二月故山薇到家已及
蠶生日布穀催耕隴麥肥

邊情

曾子白

今傳部伍寂無譁野宿微聞奏遠笳霜氣蕩天懸漢月風聲
動地起湖沙手支長劍秋橫淚露滴征袍夜憶家自信此身
歸未得但令鄉夢到中華

次韻富朝支曹子貞

柳簇金溝蘸碧波雲深貝闕瞰重波鳳皇曲奏鈞天樂烏鵲
橋通織女河萬井閭閻春浩蕩六街車馬曉坡陀山人素存
林泉興奈此承明侍從何

送高叅政

鳳皇池上鳳皇來河岳從來出異材酒興半酣燕市竿詩情
遠寄草堂梅風生黃閣推高誼星繞紅雲遍上台事業無窮
才有限春風桃李好栽培

明月樓次王碧虛韻

王尚志

王子吹笙醉未休絕怜夜半思真遊河流橫界三千里月色
斜分十二樓湘浦春回脩竹暗平山夢斷曉雲稠嬋娟不似
當年貌門掩西風紫桂秋

同鎮陽李先輩登臨川擬峴臺

楚塞蕭條客復來已無秋渚藕花開西風曠野孤城出落日
空江台浪迴山似襄陽非故國地連吳會有高臺南遊萬里
頻迴首潦倒徒傷賈傅才

王內翰哀挽

張希孟 名養浩號雲莊老人齊南人

東髮耽經晚益勤平生精力盡斯文先朝十老今餘幾當代
三王獨數君李賀屢煩韓愈駕羊曇空阻謝安墳玉堂寥索
人何在落日淇川滿白雲

題張魯公祠

歐陽原功

將軍結髮事先朝百戰山河血未消捻說霽雲能慷慨燕聞
去病最嫖姚烟塵劍戟迷秋峒風雨旌旗落暮潮自古英雄
須廟食精靈何待楚詞招

從祀郊天禮成應制

紫壇黃幄夜無風，牲璧初陳月正中。
瑞靄霏微成五色，神光烜赫映重瞳。
千官屏息瞻天表，萬國關心在聖躬。
清曉慶雲高捧日，簫韶前道駕還宮。

大明殿早朝

扶搖九萬上青霄，鳳闕龍池步瑤駝。
背負珠金絡索象身，備駕玉逍遙。
衣冠俯伏傳呼岳，干羽低回看舞韶。
湖海布衣瞻盛事，他時田野夢天朝。

過洞庭二首

白沙隱、見金鰲殿閣憑虛結，構牢天水渾。
融浮太極神人，幽顯隔秋毫。
龍堂深閟靈栖冷，象緯低垂客枕高。
欲作廟中迎送曲，杜紅蘅碧盡離騷。

媯皇博士擲虛空，屹立君山面勢雄。
一畫犧圖天地骨，九江鯨觀鬼神功。
裾飄帝子蒼茫外，樂奏鈞天瀨洞中。
頗恨當年鄒魯客，觀瀾未到楚諸熊。

贈柯敬仲博士

王止善

與子浮沉三十載，歸來文采更風沏。
虛名聊爾或見錄，尤物移人何足留。
說劍談玄皆外慕，買田築室是良謀。
眼花耳熱爭意氣，泯滅無聞同一漚。

和敬仲韻

憶子曾陪翠輦過，朔風海子起層波。
上方授衣黑貂鼠，太官進膳金頭鵝。
此日此時甘放曠，某山某水且婆娑。
但願年豐飽喫飯，擊壤細和堯民歌。

題江風山月亭

往日扁舟渡揚子。水榭風軒。吾舊遊。天籟動波蛟窟。夜雲根。倒影兔華秋嵐光漠。浮京口樹色依。到石頭試與題詩。分物色玉簫吹月上揚州。

番禺道中

聶古栢

玉斧飛霜大庾南。萬松蒼翠洗烟嵐。雲開悟野山羅戟。月滿韻江水潑藍。椰子漿寒殊似蜜。荔枝香煖絕勝柑。中朝耆舊如相問。鳥語啾啾正未堪。

番禺和程世良巡警官

年少將軍意氣雄。迺翁憲府舊乘駟。魯中詩禮有庭訓。江上衣冠多士風。玉樹青葱秋色裏。明珠炫爛月華中。滕王閣上重回首。後夜相思寄別鴻。

訪元進判簿幽石

趙仲光名奕松雪仲子

幽人遠住越江濱。萬疊青山對華門。竹弄銀蟾分素影。梅留翠萼寄香魂。擁爐夜話尋茶竈。聯轡春行挈酒尊。更喜故家文獻在。詩書滿屋教兒孫。

壽吳宗師

危山臞

兩度裁詩記此辰。蓬萊紫氣又氤氳。羽衣金節承殊渥。玉檢丹書策上勳。花裏攜瓊朝進露。竹間放鶴晚看雲。吾師若肯仙凡骨。千載神丹足九分。

送陶鍊師歸四川

誰信天如蜀道難。鞭羈鶴自來還。金盤調露趁三斂。玉檢封雲望五山。月冷青城棲漢劍。天晴紫炁滿秦關。近來自覺塵緣減。萬丈丹梯亦欲攀。

送袁德平歸越

王繼學

平湖如鏡淨秋波。高穴出風捲薜蘿。狂客有舡都載酒。道人無字不籠雞。牀頭舊笏有雲近。窓下殘編白雪多。燕市塵埃拂衣去。海門何處問漁蓑。

送王在中代祀秦蜀山川

秦華雲連蜀棧低。柳花三月紫驕嘶。香浮曉露金奩濕。掃拂春烟絳節齊。策牘當年登桂苑。詞林後夜趣芝泥。長安遊客應無數。誰共王褒頌碧鷄。

送張元杰

名山使者碧霞衣。三月天南白鶴飛。瑤席東皇分桂醕。紫壇北斗動珠輝。石崖有迹尋仙去。溪水無情喜客歸。上磔峯前赤松宅。春來蕙草正芳菲。

和馬伯庸見寄二首

侍臣催講玉階西。雲淨觚稜曉色低。天闕神州卑兩漢。地連碣石轉三齊。含香晝永閑青心。視草堂深濕紫泥。最憶東土老松樹。秋風應有鶴來栖。
長堤芳草遍灤河。誰買扁舟繫樹槎。寶帳薰風生發角。畫樓晴霧宿蒼阿。萬年枝上烏啼早。九奏階前鳳舞多。供奉老來文采盡。詩壇昨夜又投戈。

題驪山宮圖

翠嶺含煙曉仗催。五家車騎入朝來。千峰雲散歌樓合。十月霜晴浴殿開。烽火空臺留草樹。荔枝長路認塵埃。月中人去青山在。始信昆明有劫灰。

題九成宮圖

鐵馬歸來定太平。九成宮殿暑風清。龍蟠古洞長巖雨。鳳入

晉臺自度笙畫棟塵心盡燕去蒼崖雲掩路碑橫秦川忽向
丹青見魂夢依稀識化城

題鮮于伯機與仇庶訪帖

三生文采趙公子四海聲名仇使君彈琴不作廣陵散焚香
遙駐博山雲玉署春來鶯漫語繡衣人去鶴空聞龍蛇兩紙
光如玉即是安西與右軍

送虞伯生代祀還蜀用袁伯長韻

蜀道揚鞭舊險摧家山遙認石崔嵬奉香暫別金鑿去題柱
真乘駟馬來祠罷汾陰迎漢鼎路經驪谷吊秦灰歸盤宣室
盃前帝不似長沙遠召回

送巨德新

渭城秋水汎紅蓮白雪梁園作賦年金馬朝回門似水碧鷄

人去路如天楊柳宅古平蕪雨諸葛祠空老柏烟
春色裏滿蹊花及正娟娟

壽劉邢公

詔下金鑿第一廳春風湛露燕趨庭嘉辰又敘蒼麟角仙侶
同駮白鶴翎衛武高年猶入相韋賢老日只傳經
長生訣杖几凝香酒半醒

送袁道士二首

五公舊讀漢庭傳之子飄然去學仙
裏牧羊成白石洞簡騎鶴上青天
黃庭夜月吟三疊綠綺八風度七絃
拂袖只應留不住別離可柰落花前

軒轅雲裔越公家學道青山幾歲華
仙覓安期曾授棗詩成相子解開花
金砂擬煉長生藥銀海初回遠使槎
二十四山石

明月夜簫聲何處落烟霞

題節婦

寒窓機杼泣秋風。鏡影鉛雲不汝同。明月有光生夜白。貞松無夢死春紅。羅襦舊繡天吳折。綠綺離絃海鶴空。陌上行人行華表。閉門疎雨落梧桐。

寄上都分省僚友

天上風清暑盡消。尚方仙隊按雲韶。白鵝海水生鷹獵。紅藥山岡詐馬朝。涼入賜衣飄細葛。啞頭歌扇濕輕綃。河堤楊柳休傷別。八月星槎到鵲橋。

用袁待制送行韻

青草白沙入渺漫。層層山色萑。曾看赤城曉日霞。初起黑公晴嵐雨未乾。錦帕龍鞍中使馬。山刀分贈內家盤。不才底事

頻行役。只合清江把釣竿。

次霍狀元接駕韻

關頭曉日瑞光蟠。隱隱駝鈴隔簿寒。金殿巧當雙嶺合。繡旌遙指五雲看。軍裝驪馬開馳道。仙仗麒麟簇從官。詞苑恩波供染翰。秋風歲候鳴鑾。

寄武夷思學齋

武夷山色青於水。君築高齋第幾峰。北苑鶯啼春煮茗。西風鶴語夜巢松。田家送酒芝香滿。道士畱書石髓封。聞說牙籤三萬軸。欲憑南鴈約相從。

送朱真一住西山

官河新柳雪初融。仙客歸舟背楚鴻。鐵柱書開山似玉。石樓人靜水如空。煮茶榻畔延徐孺。燒藥爐邊覓葛洪。天上雲多

白鶴去子規何事怨東風

留別參議

祥麟不入文王囿野鶴空盤越嶺天
劬子園深風却暑萊公
祠古竹依泉晴霞暖映扶桑日夜雨
寒生瘴海烟萬里相從
還又別小舟潮上更留連

別張思聖照磨

栢臺深處識風姿南國春殘送我時
幕府日長松影瘦琴書
窗小竹香遲山盃持酒小椰子石蜜
和漿摘荔枝從此朱崖
明月夜飛雲頻與寄相思

白蓮

昆吾織刃刻芳菲。玉女新拋織錦機。
無質易隨清露滴。有情
應化素雲飛。青腰霜下蟾房冷。皓首天
邊鳥使稀。最憶齊州

舊遊處日斜双将木折花歸

春暮

林霽山

乾坤萬事上眉端。深歷東風獨倚闌。
白髮餘春能幾醉綠陰
細雨不多寒香飄蒼溟。誰惜影落沙泉鶴
自看碧眼野僧
知我意素琴携就竹西強

入京二首

郭以道

虎踞龍盤十二門。王侯第宅若雲屯。
百蠻入貢天威遠四海
朝元國勢尊曉日旌旗明禁路奏風簫鼓沸名園
唐堯虞舜
今皇是未必江潭老屈原

鳳凰城闕壓金湯。龍虎江旌護未央。
萬國衣冠朝玉座百蠻
歌舞進瑤觴。花迎宮扇雲曉日照天袍。
翠霧光江海小臣
無以報空將詩句美成車

元宵

王仁父

春入東郊雪漸融，熙熙一八氣報年豐。
萬家燈火分明月，幾處笙歌雜暖風。
短髮已無可黑衰顏猶有酒，能紅溪山容我
悶來往先具扁舟訪釣翁。

舟次陵州

獨坐渾如面壁禪，更無餘事惱心天。
舟中唯載烹茶具，囊內猶存買酒錢。
秋水經霜魚自樂，曉林留月鵲堪憐。
人生何必東山卧，老我烟霞屋數椽。

和趙君實宣慰

牟獻之

平生知我一季及，別後牛關白版扉。
偶有客來孤鶴起，也無人覺小舟歸。
從教俗子疑相惱，只恐仙禽未肯飛。
莫恠近來書問絕，醉眠林下兩忘機。

送俞子中之弋陽尹

董性存

出宰江東試左轡，津人直色動椿萱。
大朝恩澤承三世，命服光華萃一門。
壯歲風雲誠有在，何秋空鵬鷲正高鶩。
弋陽父老郊迎久，預播清声已可論。

贈楊山居太史

曾懷荆璞詣天闕，雨露因深賜佩環。
玉筍遙班躋鳳沼，金闈通籍侍龍顏。
尚書聽履辰山太史，蜚英翰墨間厭直承明。
動歸輿錦衣光彩照湖山。

送俞子俊麗水巡檢

為官當作執金吾，膝上須橫丈二笏。
會見黑頭我擲笏，試看赤手縛於菟。
醉歌擊碎玉如意，獵較射空金僕姑。
眼底猩羆俱掃迹，曾中有策致唐虞。

九日有感

許叔英

世事驚心節又催，短衣破帽立荒臺。
斜陽木落烏爭巢，絕塞雲深鷹欲來。
十載江湖蓬鬢改，幾家籬落菊花開。
平原白骨知無數，誰向西風醉一杯。

次成元章韻

海內風塵十載過，莫年漂泊奈愁何。
讀書避地衡門小，投劍成功甲第多。
魏闕又聞來白馬，唐家還復獻金鵝。
野人翹首雲林下，擬讀昌黎石鼓歌。

送石達卿受淮南之辟

董良史

當代搜羅急俊英，豈容徒老鹿門畊。
淮南幕府多招隱，水北山人最得名。
參朮正須歸大籠，益梅甫用入商羹。
只應湖上秋風起，猶為鱸魚惜此行。

題友人山居

烟蘿窈窕，陰桀森路入蒼苔。
一徑微江燕定巢，來自熟岩花結子。
落還稀，修琴有制先抄譜，沽酒無錢更典衣。
采藥山童終日去，夜深常與鶴同歸。

三味軒為張國祥賦

錢思復

三味軒中品物殊，客來日共飯雕胡。
四腮鱸膾吳中有，千里蓴羹洛下無。
孫子流芳真好事，人生適意是良圖。
不因命駕秋風起，那得高名在五湖。

送達兼善之京

龍飛天子中興年，使者弓旌集俊賢。
閭闔早朝班玉笋，瀛洲夜直賜金蓮。
五經同異須劉向，三絕才名數鄭虔。
瀟灑當年遺老在，長歌黃鵠送樓船。

寄秦雙谷

闕下曾逢秦少游，別來二十五經秋。
登科錄向雲間寄，奉使槎從海上浮。
萬里歸來全趙璧，千金談笑却吳鉤。
承恩獨憶張夫子，應制時脩五鳳樓。

送賈元英之照潭

照潭遙望九華山，弓馬蕭蕭日暮還。
夢裡無題惟寄內，胸中有策欲平蠻。
落花閉戶眠黃犬，明月開籠放白鷗。
絳灌何曾輕賈誼，早隨鷓鴣鷺入朝班。

清逸齋

神仙官府曾為吏，一日乘風即掉頭。
太白豈惟凌鮑謝，元卿只合友羊裘。
門前種樹雲連屋，湖上聽潮月滿樓。
遙憶五經名隱地，我眉高聳蜀天秋。

遊三茅觀

層巒疊嶂隱空青，人踏金鼈背上行。
蘿磴夕陰留雨氣，石林寒竹動秋聲。
城垣下瞰紅塵海，樓閣高懸白玉京。
夜靜何人吹鳳管，碧桃千樹月華明。

從軍謾興

蔣季和

士卒連艘寐不譁，曉牽百丈步平沙。
霜橫劔戟明秋水，風颭旌旗絢綵霞。
最憶仲宣能去國，猶懷張翰苦思家。
無端又值江天暮，落日蒼烟動鼓笳。

城東小飲柬鄭明仲劉復雅

青帘掛處潑醅濃，握手吟行夕照中。
滿地雨晴芳草綠，近牆春暖小桃紅。
當時不忝登龍客，今日惟懷失馬翁。
拚却青蚨同一醉，歸來戍鼓又鼙鼓。

和趙宗吉御史過平江韻

岑易直

遙瞻斧鉞欲相依水國雲帆浪拍堤越女臺荒秋草綠伍胥
廟靜暮潮低金鑾舊夢青藜月驄馬春驕錦障泥料得東風
回轡日闔閭城外夕陽西

題麻姑壇已見却天挺一即二即

郝伯常

路入雲關窈不譁石田瑤草帶烟霞貯經洞古無遺檢養藥
爐存失舊砂青鳥若傳金母信紫鸞應返玉皇家岩扉不掩
春長在開遍碧桃千樹花

聞寧都寇平

李仲公

八州諸將聚英豪十萬官軍入不毛瘴野戰塵連地起轅門
殺氣共秋高滿營哮虎兼旬奮待命鼙鼉半夜號擬為廟堂
宣露布紫微深處醉蒲萄

唱名日與同年賦

羅友道

龍燭輝煌五夜闌花迎仙仗擁千官臚音雷動蓬瀛曙戟衛
霜明殿陛寒風定玉爐香豔直日高金榜墨痕乾甲科不入
微臣夢三策深期子細看

送友人北上次韻

黃君瑞

玉闕金門紫氣寒干城虎士列桓桓鑿坡日永移天仗仙掌
雲深捧露盤犀角不須朝士帶鹿皮思製野人冠江南何處
秋風岸綠水芙蓉許獨看

送于鍊師之京

九重天上帝王宮入覲仙人駕海風宵仗引從黃道外曉班
環在紫垣中駝鳴擅帳沙光白龍袂金輿寶氣紅萬里冬寒
灑自衛酪盃酥碗莫令空

次韻虞侍講遊何尚書山莊

尚書致政卧青山，笑傲中林竟不還。野叟徒能談舊事，孤雲何處覓蒼顏。哀湍振壑龍移久，曲崦藏風鶴夢閑。喜逐三朝黃閣老，昔賢陳迹共追攀。

題金碧山水圖

狂風捲盡夜來雲，萬壑千崖錦繡紋。古日樓臺平樹見，吼雷春瀑入溪聞。豈無花洞留鶯語，唯有芝田下鶴群。清絕松陰二三子，不知誰是紫陽君。

餞別楊文直揔管

雙鳧飛躡歷金天，五馬閑遊款玉鞭。隸篆共忝邦伯印，制書曾拜祖宗宣。巖城鼓角連雲度，護水魚龍枕月眠。無限舞衫歌扇意，路人遙識使君船。

送潘希隱歸閩省親

道人騎鶴入閩邦，夢繞慈闈一念長。紅壓錦雲收荔子，綠攢香樹摘榴榴。曉侵霧露黃冠重，春透山林綵服光。賸有大丹并妙藥，三光凋後鬢應霜。

壽鏡六有

驪駒塔上玉生烟，麟角峰前樂事偏。花裏橋亭春每早，竹間書度日如年。雕龍細雨金壺墨，寶鴈輕調錦瑟弦。椿樹綠時詩五伯，桃花紅處祝三千。

燮御史

紅杏碧桃整頂開，青羊白首馬蹄迴。本隨鸞鳳冲霄去，却為豺狼按轡來。鐵鑄冠梁臨画省，綉裁衫表照霜臺。使駝往復東西道，欲候旌旄愧不才。

○ 王憲掾

至順龍飛折桂郎。肯令材氣使輶傍。銀橋有路還通月。彩筆
無花不帶霜。提挈舊繁心烟。詠陳新律語琅。國恩暫許
持刀牘。終許儒林姓字香。

喜薛外史春日自京師寄經至

蓬萊坊畔五雲邊。七尺長身漢薛宣。花壓銅街馳廐馬。水生
瑤海放樓船。仙曹共作窓間戲。吏部相邀甕裡眠。果老山頭
逢野鶴。雪箋時奉寄來篇。

白雲山劉道士

紫華陽中白羽衣。幼辭家告入山。石扉靈書注就。參同契絕字
脩成社德機。著袂看松逢伴少。荷鉏我果到城稀。蕭蕭落葉
空山夜。獨遣寒星待鶴歸。

倪知州致事歸

洒掃林廬理舊書。某山某水足嬉娛。尚應饋餽虞庠禮。謾入
耆英洛社圖。花裡醉眠從客去。竹間移步遣孫扶。後人自有
田園趣。無媿疏家兩丈夫。

奉贈吳宗師

使節光華禮樂崇。皇堂千秋祝兩宮。醮起瑄石。類
深仁澤行見騶虞發。五
祇

古厓上人

法雲千仞碧嵯峨。此去祇園路幾何。齒齒泉香金錯落。蕊蕊
風煖翠婆娑。松邊宴坐聞天樂。石上清齋譯貝多。從此願依
香火社。古厓高處伏群魔。

艾氏隱居

菊成行列杏成林銷盡
文武養黃金廚泉派逐
有光氣錦囊詩卷最知

山人壽祿心木斬陰陽收紫茵火留
春雷壯闌藥苗隨夜雨深恠得岩居
首

○壽上官夫人

水沉烟煖翠雲低
會正紫金卮樂成彩鳳
高數尺綠衣白髮兩相

春明樓

坐高斗轉移百子帳中青玉梭群仙
得鶴曲禮尚嘉魚式燕詩其樓有堂

公子樓居剩得春四時

氣敞濃薰書聲高下聞長日舞袖

婆娑拂彩雲蛺蝶新音開

為瓜後規古鼎隔龍紋近來每愛

東風賞拚簡常邀越鄂君

贈舍農叟春耕者

六角黃牛二頃田曉蓑星月晚犁烟治壟布谷清明後伐鼓
燒錢社日邊急雨放寬科斗水亂雲遮斷鷺絲天太平四海
無征役念此安居不偶然

遊崇禧寺

好山藏在白雲隈天曆若王手自開木魅盡驚金鑿震地靈
潛獻寶瓶來林香萬葉出甘露峰霽諸花散石臺莫道神游
事綿邈六龍應解此徘徊

題草堂寺

草堂禪寺北山陞想見馮騶入谷時猿鶴如懷海益令魚龍
猶護紹興碑排岩樹老秋來早上殿僧稀曉散遲我亦于今
抗塵土臨風慙讀孔璋移

題杜清碧壽容

鶴龐曾頰玉詔來頻徵不就使虛迴子思有道終辭魏顏闔
無心遂鑿坏充棟圖書青嶂裡接畦花藥碧潭隈少微每占
幽貞兆直是光輝拂上台

題唐氏遊子遠歸圖

密線縫衣歸恐遲高堂囑約敢違期飛鳥將子尋暫哺鳴鵲
成群遠檻枝冉之霜顛倚門處飄之風袂及家時下機更有
賢新婦久治珍鮭助壽危

贈詹雙崖

荷湖山頂出雙崖拔地凌空石對排隱士高閑卧雲處故家
軒豁讀書齋苔如美錦文章麗土井具明虹氣宇佳我欲走求
詹大史卜居何日與心諧

題蘭江梵率寺

陳棹

將軍不愛府潭之幻出天宮穀水南浮世幾更非典午好山
千載尚瞿曇鮮侵斷碣經秋雨松引輕烟作莫嵐欲問休公
吳蜀事一燈未滅照空龕

送屠存博分教溧水

袁德平

海內文名三十年青衫初映綵方公鮮積薪未許論功拙拾級
那能較後先鱸舍談經周禮樂神舟臨賦晉山川春風無限
分推乃意目斷揚花綠水邊

次韻段文郁

胡汲仲

轉雷飛瀑護遺壇著足危岑向碧烟木末雞啼藤矯之箱間
牛過水田之瑤池浪記三千寶玉井空傳十丈蓮少在幽栖
良不惡黃塵山下欲彌天

送友

盧彥威

晴雲半逐雨雲低九陌無塵共落暉
滿目秋無悲澤國一聲烟鶴到岩扉
西風帆飽隨天遠殘月砧寒入夢微
路隔蓬萊鰲背潤劍光長拂海濤飛

送族尊師

白鴈風高錦樹空寒郊落日滿飛蓬
志遊太始鴻濛外命寄園穹象緯中
京國輪蹄殊擾々烟霜岐路漫怱怱
青雲別後仙山遠何日丹砂問葛洪

赤壁圖

吳師道

草荒殘壘怒濤秋遙想英雄涕自涸
風火千年消伯氣江山一幅挂清愁
丈夫不學曹孟德生子當如孫仲謀
機會不來形勝在狂歌弔古慢悠悠

送許益之之金陵赴

迎侍御招

繡斧烏臺峻碧霄金陵佳麗未蕭條
詩書正氣存諸彥花月殘歌笑六朝山
倚石頭青入畫江吞天際白吹潮勝遊
健筆追雄渾為寄林間尉寂寥

東王文學

有客空齋歎不歸鄉心二月亂於絲
杏花深巷春風夢茅屋荒田夜雨詩
天氣未佳宜小住人生行樂竟何時
乞君安得千壺酒爛飲狂歌尉別離

和黃晉外客杭見定可

一從君客江城去詩思淒涼酒殘空
天末倚樓孤岫雨春深閉戶落花風
半生政坐才力誤萬里誰憐意氣同
坐憶王孫詠招隱萋萋草色向人濃

送陳生北遊

萬里長風入馬蹄江干舊
隱掩閑乘乾坤清氣隨詩卷關塞
征塵上客衣日落太行孤
馬沒天高燕關五雲低提攜喜有
王維在回首南山莫便歸

和葉自然寓雙溪見寄

膏炙錐刀祇自焚莫將浩氣一時分休文溪上多明月弘景
山中有白雲詩思凌秋添勝語丹經奈夜得奇聞飄飄物外
何須恨漢世公卿貴少文

送沈弘道歸湖州

祝蕃遠

不到湖中今十年幾迴夢遶白鷗邊年姚二老風流盡文趙
諸公甲第連頗學藉筋骸非往昔已拚文字讓時賢沈郎歸去
如相問為說晴江有釣船

送盧處道提刑陝西

陳思濟

繡衣直指上長安白簡風生吏膽寒三輔輿情應日望九秋
一鷄正霄搏吟邊蒿華雲間供畫裡周秦馬一看到後相逢
李夫子謂余白髮已闌干

寄沁州玄都觀張漢卿

為問張卿自別離桃花幾度發新枝玄都宮闕連霄漢故國
山川入夢思雪屋未忘食豆粥晴窗曾看理瑤絲而今髮白
朱顏改只有新詩似舊時

寄揚仲弘

杜原文

老來自愛黃州度少日具期魯仲連高卧獨無田二頃曳襜
誰有客三千滄波渺々浮鷗鷺白日翻々換歲年却憶江東
揚少尹劇談終夜不成眠

八月十五夜懷舊遊寄虞伯生

高齋獨坐對中秋見月令人憶舊遊
翠館題詩手刻燭瓊樓
買酒賸添籌解朝雖辨玄猶白
作賦徒工道不侔
同學幾人天關近誰能采藥向蓬丘

寄酬虞伯生學士

滿窗風雨夜沉沈獨對青燈萬古心
徒有故人憐白髮自無
奇骨換黃金茅檐暖日雖堪獻竹簡遺經政用尋
豈愧執鞭非所好甘隨麋鹿放山林

酬馬伯庸李溉之

武夷九曲之平川主人借屋傍林泉
已栽脩竹圍行徑更插
垂楊繫釣舡遊目每看雲變化支頤時聽水潺湲
移書莫訝多違俗猶愧無端草太玄

題周南翁悠然閣

大江之東彭蠡南周家高閣與雲參
秋風猿狖啼青嶂暮雨
蛟龍起碧潭遶屋千叢生杞菊過簷百尺長
梗拂何時共此登臨樂指點山川與細談

送入還江西問訊清江諸友

為愛名山入武夷溪潭澄澈石委蛇
蒼松蔚蔚歲玄鶴翠藻
葳蕤隱白龜欲共結廬雲以外何因分袂水之湄
歸時倘語余親友獨守玄經費所思

送宋士明之長河尉

雲白山青曉日紅送君恨不共推蓬
重尋水驛曾題句新佩
銅章更領戎鷄鳴飛翔看夜月鷗鵬變化待秋風
因君甚憶張從事想見芳形案牘中

寄新笑隱

四壁圖書盡沒塵，閉門伏枕動經旬。一春風雨應多病，遠屋
棄麻却自貧。故舊有懷音問遠，夢魂無處往來頻。囊餘藥物
非時用，且引雙肱學鳥伸。

過忠顯墓

拱辰山水鏘，上有忠臣死骨香。翠石斷文存彷彿，金鐘
餘響墮蒼茫。一時大節稱劉李，千載貞名並許張。近日傳聞
三市事，不知誰是繫綱常。

用仲弘韻贈相士

武夷九曲好清流，且棹扁舟試一遊。高挽藤蘿捫翠壁，緩穿
竹樹問丹丘。黃金徒貴誰求馬，白石空歌自飯牛。盛世鳳麟
如要識，莫耽幽討更遲留。

春日書懷

春到連陰獨閉門，每從藥裹廢清尊。已看山色烟中暝，更覺
溪流雨過渾。濁、垂楊新態度，纖、細草舊根痕。迴思輦路
經遊處，玉館瓊樓鼓吹喧。

和清明遊山韻

步入巖岩石徑微，尋山頗喜願無違。重、丘壑藤蘿密遠、
源泉草木肥。芝有幽人居處密，應知俗客往來稀。初平兄弟
今何許，甚欲從之論化機。

中秋

南樓今夜月，明多相對無。如感慨何，漢苑秦宮，來牧笛吳江。
楚水戴漁蓑，曾聞徐氏樓船去，還見劉通露社磨。更後千年
更今夕，共誰把酒共高歌。

戊午端午

十年為客半輜軒，賸有山河欠討論。只好扁舟浮楚澤，不將漫刺到侯門。驅蠅且試淮南術，笑應從太史言。縱得獨醒還獨往，何如濁酒對清尊。

重九

還把茱萸憶故人，知余海上獨垂綸。青山白水寧無意，紅葉黃花正有神。高處登臨何磊塊，靜中紉繹絕縈磷。比來始覺交遊絕，深愧岩耕鄭子真。

秋興

兩峰高聳並秋霄，雙澗分流送晚潮。月冷誰家頻搗練，風低何處細吹簫。七閩荔子丹砂顆，五嶺梅花玉雪標。黃鵠不來空悵望，自歌雅曲和漁樵。

自和

紛：鴻鴈下雲霄，羆：蟾烏出海潮。山色侵窗朝看盡，泉聲遶枕夜聞簫。青天白日羲皇世，明月清風玄度標。不是詩人淫聲色，清時慮不到漁樵。

十月廿日

為愛溪山類隱淪，經行終日不逢人。窺魚白鷺驚筇竹，課蜜黃蜂避角巾。歲月謾教消筆硯，江湖應許漾絲綸。親知音問雖涼絕，却弄梅花樹：新。

和鐵峰見寄

風雲燕山似素交，為曾輦路聽鳴鞘。清溪月冷應同靜，紫陌塵深豈自淆。未辨和羹鹽作齋，試看承露玉為梢。歲寒已約為三友，紅翠春深恐見拋。

哭仲弘德機

燁、文星耀九州早將詞賦動宸旒萬言未試黃金闕一日
俱登白玉樓海內共師揚范體眼中頓失孟荀儔沉珠殞璧
知何意獨向山中涕泗流

登昇真岩

天下名山此最奇溪潭澄澈路逶迤塵埃袞、終難到樓閣
重、未易窺况有高人能閱世儘多勝處可題詩十年來往
追尋遍似與仙靈有宿期

寄詹景仁

庾嶺梅花玉雪明使君持節五羊城白雲渺、思親意滄海
悠悠戀關情秋氣肅時應鶴隼執朝陽和氣鳳皇鳴山中芝草
琅玕長何日歸來掇絳英

送趙伯常歸揚州

往年初記抵京師正類機雲入浴時未說鰲頭分赤管先傳
馬首控青絲瓊樓舊醉家、酒金剗新題處、詩此日揚州
歸去路錦衣光彩照城池

祝丹陽祠武當

六和峰頂接峨峨上有金銀觀關多溪谷幽深龍虎狎岩扉
薛案鬼神訶九重每遣天香至萬里今看駟騎過只待祠官
傳好語聖皇垂拱鎮山河

元日縱筆

重

天曆二年壬正月乾坤闔闔五清夷仁明天子龍鳳表義勇
將軍虎豹姿且頌田家收小麥名天教蠶婦賣新絲萬方寧謐網
常正始是君臣濟會時

寄趙春洲

王寬夫

自從君向常州去，鴈過無由寄一緘。多說秋初歸故里，幾回天際望飛帆。吟成定已刊新藁，闕好還應換舊衙。十載約游風水洞，何當匹馬逐征衫。

晚望

王靜得

望盡西南一隙明，荒野色弄微醺。青烟白骨行人老，苦竹黃蘆細路分。寒鴈不來秋似水，故園何處草如雲。高懷久為凭闌盡，更遣西風化白絲。

和清明上冢韻

酒壺花檐發雙明，陌上携扶笑語聲。葉葉影圓春欲暗，棟花寒退雨初晴。官官記夢曾博燭，襖客無詩定罰觥。老影年年霜露感，牛羊躑躅亂孤笙。

水退

蘇仁仲

轉眼江汜已，昨非便隨鷗鷺省。漁磯飛花無復浪，千頃倒影依然山。四圍不向靜中觀，物理更於何處覓。天機興來倚杖斜陽外，弄編潺湲未肯歸。

和雷壑先生韻

青紫過如拾芥輕，今吾非耳故非榮。海波忽與桑田改，書眼空如秋月明。只可一丘容嶺隱，何須萬里較鵬程。到頭更要深山住，不作終南捷徑名。

贈張原心遊浙東

鄧蓀壁

丹崖飛蓋下三神，玉室金堂處。春禹洞夜看封，籙字霞霞滅。朝見茹芝人，梅寒立馬題詩。早栗熟持環入夢，頻行次巖陵。重回首向來，別駕有芳塵。

游大慈山次韻

賈德舉

金刹蟠雲擁翠我衛王祠下得經過六時花雨天香滿萬壑
芝煙玉氣多渡海有僧留教相歸田無客卧松蘿三生欲問
盤陀石塵劫茫茫奈老何

讀劉元城言行錄

百八山民

名佳芳
括蒼人

一掃權奸十九章七州不憚旌炎荒黃梁富貴百年短青史
是非千載長丞相雖存心已死先生既歿骨猶香向今鐵漢
常留住天下何緣有靖康

泊嚴陵

天色微茫入暝鍾嚴陵城下繫孤篷水禽與我共明月
意業為誰吟晚風隔浦人家漁火外江秋想笛聲中雲間休望
孤鴻影身亦天涯一斷鴻

賦得金盤露酒送宋顯夫僉事之山東

程允道

鳳城仙客來揚州便當解此千金裘丹丘夜出瑪瑙苑
春泛垂華舟看花路入竹西寺吹簫人倚橋邊樓船頭對月
且獨飲錦袍明日金陵游

滄浪亭觀雨

杜仲梁

蕭蕭北風吹北窗浪浪秋雨瀉秋江癡蠅不飛集枯几飢鼠
屢出翻空缸雜花葉底開無數佳木門前立自雙散地自知
心地遠賞音誰解足音聲

病中呈裕之

十載猶能復笑談歸來重負讀書龜未陽白酒君應具勺漏
丹砂我自慚民訟幾何消自古山城雖小得窮探也知清檢
難持久好趁秋風醉菊漚

自遣二首

少日襟懷悔自豪暮年去節詎須高敢將議論輕疑孟閑得工夫細和陶酒盡枯腸無磊砢詩成白髮轉刁騷皇天汲汲誠何意也共人生一體然

眷築家園手自操雖無多景足償勞十年種竹翻嫌密一日栽松恨不高是處求田必二頃尚誰有夢到三刀得名身後良癡計盡擬浮沉付濁

讀前史偶書

楊彪不著鹿皮冠元亮送書甲子年此去亂離何日定向來名節幾人全中原消息蒼茫外故里山河涕淚邊六國帝秦天暫醉魯連休死海宙墟

解嘲呈元明

江氣冥冥江雨飛濛夫四月著冬衣野荼蘼謝薺薇發山鷓鴣啼杜宇歸青鬢漸隨愁兵滅素心長與慢相違四方餬口非君事自識飄零有是非

燈花

吳養浩名浩龍泉人丁卯進士

雙心燦々夜深紅生靈元非造化工弄影自留孤艷在得名偶與眾芳同乍開亦自矜春色欲謝還如恨曉風胡蝶定知終莫見祗應飛入夢魂中

二月八日駕幸柳林

早步廊街曙色紅聖時蒐乘理車攻高駝載寶氎觥麗馴象騰車翡翠重夾道香烟春郁郁接天御氣曉溶溶亦知奏賦長楊近五彩光華起六能

歲除前一日寓蘇治平寺與謝子蘭同賦下子珍

風雨寒燈照客邊。況迎公。夕夜忘眠。兵戈滿眼，空懷土節，亭
驚心欲換。年蓮社暫依。夕外地。桃源難覓。洞中天濁，謬謾飲
頻搔首。新句賡吟坐舊也。

十月與謝子蘭同過姑蘇次韻

附郭田荒黍罷收。干戈。嗚陸沉州。短筇有客同尋。蒼高隴
無人為薦。羞白玉幾年。成。墮底黃金。一旦落刀頭。五湖烟水
依然在。相約還家買釣舟。

送別平使安南

感夢解

玉節金函。志氣雄紫泥。綈帶。朶雲紅中。郎笑攬黃花。戀南越
權迎御史。駭為說。葵傾。知向日。誰云草偃不從風。折衝尊俎
吾儒事。佇看梯航萬國同。

過廬山

李國用

東抱石城流。亭高白日。聞龍化臺。接青雲。憶鳳遊。未惜深衣
官似舊。酒酣耳熱。氣橫秋。

睡燕

謝宗可

補巢嘶罷落花泥。困倚東風。倦翼低。金屋書閑。隨蝶化。雕梁
春靜。怕鶯啼。魂飛漢殿。人應遠。夢入烏衣。路欲迷。却被捲簾
人喚醒。小橋深巷。夕陽西。

走馬燈

鬩輪擁騎出炎精。飛繞人間。不夜城。風鬣追星。低有影。霜蹄
逐電去。無聲。秦軍夜潰。咸陽火。吳炬宵馳。赤壁兵。却憶雕鞍
年少日。章臺踏碎月華明。

鼠鬚筆

夜逐虛星上月宮。奮鬚奮得管城公。囊中不攬吟窓麈。指下

先收翰苑功。莫笑硯池濡。醉墨絕勝倉庫飽。陳紅平生嚼盡
詩書字。散作龍蛇落紙中。

○筆陣

授策登壇。拜墨卿。纖毫不用鐵為兵。戰酣已拔三都壘。奏捷
還攻五字城。怒捲龍蛇雲霧漫。長驅風雨鬼神驚。興來獨掃
千軍退。功奪中書第一名。

○同根竹

蕭秀冰霜一種奇。駢頭曾脫錦綉兒。西山二子情依舊。湘浦
雙娥影鎮隨。高節元非連理樹。虛心共是傲霜枝。莫教移作
仙人杖。恐化雄雌下葛陂。

○碧筒飲

趙君謨

擊波老幹折蒼瑤。酣飲何如吸海鯨。象鼻捲冰收玉醴。翠盤

承露落金莖。幾絲香溜葡萄滑。九竅春濃琥珀傾。莫戀醉鄉
心更苦。獨醒衣上為誰清。

○鐵笛詩寄楊夫

卞宜之

一段清冰百鍊鋼。曾翻宮徵待虛皇。裂開黃鶴磯頭石。驚落
青鸞鏡裏霜。仙子佩環新樂府。翰林風月舊文章。道人清節
磨龍石。却笑桓伊獨據床。

成趣軒

張惟庸

日步小園江上村。閑心不逐水云。秋至東籬。自黃菊雨後南山
還白雲。從渠物理有代謝。且愛軒居無以氣。故人安得顏光
祿。一萬青錢能見分。

題鄂王墓

湖水年年。自綠波空林人跡少。經過夜寒石馬嘶。風雨日落

山精泣薜蘿江左長城真自壞鄴中明月為誰歌空餘滿地
萋弘血芳草年年深碧更多

廢宅

金谷花開得幾春東風吹逐路傷塵蛙鳴私地為官地燕認
新人是故人珠履賣錢豪客散玉釵乘傳舞娥顛獸環一鎖
歌鐘斷時有鷓鴣聲恐四鄰

送元遺山

楊飛卿

三館才名天下聞亂來俗議謾紛紛兩朝文筆誰爭長一代
詩人獨數君南浦春深愁送別西山晚翠約平分何時並坐
龍潭一野水添杯看白雲

至日

又見葭灰動一陽豈堪卧病客殊方老懷不似少年好短景

始從今日長黃犬既難追附信玄龜何用苦支床恨無羽翼

高飛去六六峰前望故鄉

恨初年少在南梁兄弟歡遊久未忘春色共傾花底酒雨聲
常對竹邊床怒鯨一夕掀洪浪斷雁何時續舊行辜負亂來
同被約尺書不到十年強

送張雄飛赴河陽令

祖帳行將出汝州先聲已迴孟津頭鳴琴但要追循吏束帶
何妨見督郵二室風烟連小縣三城鼓角隔黃州遙知亂後
農畊廢賣劍應須刺買牛

送張器公歸閩中

十載不離避戰塵白頭憔悴始歸秦霜前渭水有歸鴻亂後
長安無故人不憚北邙遷視遠莫忘東魯寄書頻明年我亦

崧南去擬買黃牛種汝濱

送殷獻臣北上

毳錦模糊覆橐駝，征騎渡沙陀。寒衝絕漠戎裝重，夜繞中華漢夢多。詩健每因描興賦，曲豪長愛擊壺歌。勦功會符平吳策，萬仞西山尚可磨。

送趙維道北上

干戈流落鬣毛焦，千里窮途著弊貂。老去少陵悲橡食，亂來王粲逐蓬飄。朔庭雪漲龍沙冷，南斗塵昏象闕遙。從此分携相見少，旅魂飛斷不勝招。

秋晚登憲陵臺

落日荒陵百尺臺，登臨高興亦悠哉。泰山雲盡千峰出，汶水霜晴一鴈來。白髮還鄉唯有夢，青雲當路豈無媒。布衣誰識

新豐客獨對秋風酒一杯

真定龍興寺閣

插天飛構鬱嵯峨，我攔肉漚起耳轉暮。河孤鳥去遠，滄渚濶落霞。明處碧山多，傷時未遂陳三策。吊古猶堪賦九歌，安得天丁挽天漢，倒傾京洛洗干戈。

登濮州北城

魯城高絕一攀躋，歲杪臨風客思凄。燒入馬陵秋草黑，鴈橫雷澤暮天低。陳臺亭在人何在，曹國川遙望欲迷。牢落壯懷誰與語，疎林殘照亂鴉啼。

白樂天影堂

晚暮浮屠伴衲衣，至今高閣揭岩扉。夢中身世元無有，壁上形容果是非。但得蓬蒿猶可住，何須堦瓦率是真。歸來兩地

知何在滿眼春波白鷺飛

春日西城

山城二月媚晴暉破暖輕風試袂衣雨後杏花渾放盡社前
燕子尚來稀孤懷不柰千愁積往事真成一夢非却羨西橋
橋畔柳年、翠色自依依

東原除夜

客舍無人靜掩扉小窗燈火獨相依一年殘臘今宵盡千里
故鄉何日歸鬢髮半隨春雪白交游渾似曉星稀亂離不得
中州信腸斷雲間應北飛

春日遊何氏園

旋引溪流環小苑出牆臬、見長虹臨風遙聽有人語隔水
却疑無路通塵跡盡拋離、後外春光別貯一壺中當門羨殺

南塘好擬寫

送演上人歸方山寺

為愛風光畫裏秋西風歸、夢日悠、卧雲未了三生債飛錫
河煩萬里遊山削碧城圍寺合泉鳴蒼佩入池流遙知一室
安禪處更在諸峯最上頭

送張漢臣歸保塞兼簡張萬戶

十年文筆遂從戎籍、名香幕府中鞍馬不教生髀肉檄書
端可愈頭風地連二趙山河壯城鎮三關鼓角雄若見投壺
祭征虜為言白首坐詩窮

送王希仲北歸

高歌行采北山薇迴首兵塵滿帝畿龍去鼎湖中國換鶴歸
華表昔人非後期何處傷心切遠別從今見面稀莫道尺書

千里隔年沙塞鴈南飛

鴈

遠客思鄉未得歸，征鴻又見度斜輝。
黃蘆洲渚霜前至，紅葉關河畫裏飛。
別後望君消息久，亂來哀我弟兄稀。
凭高此日堪腸斷，那復江城搥暮衣。

海東青

陳濟淵

怒挾孤風海外來，脩翎如劍斫雲開。
潛身陡縮千尋起，得意雄攀一點回。
萬里老拳無脫腦，滿韉一氣不凡材。
山梭野雉休回首，神物無心到草萊。

錢唐懷古

陳君從

越水吳山共寂寥，已無遺老話前朝。
海門三日潮聲歇，天目千年王氣消。
夜月烏啼龍井樹，春風花落海鹽橋。
威儀文物

今何在，回首浮屠倚碧霄。

○長江萬里圖

桂懷英

萬里澄江一葉舟，披圖忽憶少年遊。
落霞孤鶩洪都晚，明月清風赤壁秋。
有客吹簫尋故壘，何人擊楫誓中流。
浪淘不盡英雄恨，都把興亡付白鷗。

題定海七塔寺

孫居仁

塔影參差倚殿庭，好山晴湧屋頭青。
土龍剗目潭波息，藥草成金藏佛靈。
白鳥破烟江樹曉，黑鬣吹雨海雲腥。
禪房似隔人間世，一榻松風畫掩扃。

送禮部焦郎中

陸德陽

黃道天開紫極高，爐烟繚繞拂宮袍。
漢家人物追三代，周典天官冠六曹。
翠幙晝閑吟芍藥，玉壺春暖醉蒲萄。
袖中應有

山公啓月旦無辭獻納勞

捐拙窩

安樂窩中興澹然靈根所得自樵山地爐伏火春如海雪屋
圍風夜似年香透玉酥和芋撥脂流琥珀帶松燃絕勝沉水
燒金鴨吹徹參差惱醉眠

爾室窩

斗室團一素泊圍梅花萬裏以還非一規明月抱銀甕無數
晴雲為白衣壺隱仙翁形不脫巢居羽客步如飛孰知志在
經綸內五色文章出錦機

梅影

一自逋詩為寫神橫斜意態宛如真壽陽鏡裏春風面仙子
江邊水月身晴雪隔窗花似霧凍雲印地玉無塵夜深低轉

雕闌去空憶羅浮夢裏人

題趙松雪人馬圖

閣老風流世絕誇揮毫寫此兩名駒玉關秋遠風生樹銀海
春明浪蹴花一代衣冠淪草莽百年縞素颭風沙蕭蕭白髮
鄞江上見畫令人重歎嗟

題慈溪孫氏瑞萱堂

慈溪之游孫郎家弟兄孝感良可誇交正當建子月北堂
忽放宜男花榮然孤嫠撫二豎宛如一榦合雙葩信知嘉祥
天所錫我歌此詩賡白華

杜甫遊春

杜陵野客興蕭騷策蹇行春樂更饒楊柳暖風歌醉帽杏花
微雨濕吟袍推敲謾說衝京兆清絕徒憐過灞橋直許文章

光萬文謫仙聲價兩相高

濂溪愛蓮

窓前既云不除草溪上胡爲獨愛蓮君子高風遠宛似先生
雅趣自悠然神交淨色遠香外秋在光風霽月邊萬物生生
皆太極始知一畫自先天

淵明對菊

彭澤歸來秋已老黃花無數繞東籬采芳謾尔不盈把感物
悠然有所思五斗折腰慚可去一尊遣興醉何辭衣冠不改
仍如晉搖落風霜在義熙

和靖觀梅

銀嶼蜿蜒一徑斜先生卜築隱煙霞高風自是天下士雅好
何如雪裏花水影月香傳妙句山童野鶴伴生涯

無遺豪氣贏得清名百世誇

春日遣懷和吳主一韻二首

閑愁日、不能禁謾賦停雲感寸心老去一貧何至此春來
多病到如今門前花飛萬點急湖上水添三尺深却喜小樓
當綠樹可人時復聽鶯音

近聞海內戰塵消臯契群賢已事堯萬里江山隨地濶四郊
花木放春饒求賢漢使須明詔興學文翁有教條衰老自慚
無寸用願歌擊壤答清朝

○ 紙帳

溪藤搗雪淨無瑕素箔圍風絕可夸夢入清虛明月偃神游
廣漢白雲遮繭窩春煖浮銀色鮫室宵分散玉華野鶴一聲
天已曙老夫詩思繞梅花

挽晉大夫

英之正氣鍾河嶽赫々高名照古今十道提綱徒赤手九泉
飲恨只丹心臺空鳳去秋雲慘屋冷烏啼夜月沉玆重遺章
猶絕筆令人一讀淚沾襟

題鎮南王納涼圖

憶昔揚州全盛日內家輪奐見翬飛芙蓉仙館紅香凝揚柳
歌臺紫翠圍雲母屏開秋澹々水晶簾捲月暉々十年一覺
繁華變春草王孫怨不歸

送趙士玄兄弟還永嘉省親

汝伯大參天下士而翁太守斗南人二難表々聯金玉三俊
英々捻鳳麟滄海月明懸瓊潔赤城霞彩絢衣新時人應比
河東薛早立勛名標斐津

送同年潘昌朝

戴表元

客路秋深又送迎狂歌爛飲慰飄零馬前數鬢莖々白馬上
看山段々青古穴無丹生洞氣高林有鶴避潮腥明年更欲
三茅去擬借新牋道德經

送百上人并簡善之

聞說西湖已自憐君遊更傍早春天六橋水暖初楊柳二三
春深未杜鵑舊壁草生尋藉刻新岩茶熟試新泉城中詩友
曾相識西蜀殘儒解草玄

錢唐留別康里丞相之會稽代祀 迺易之

聖主臨軒授寶籙詞臣將命祀東南胥江潮上迎官舫禹穴
雲開擁使駟萬里兼程安敢後四方專對每多慙千官法仁
遙相送始覺皇恩似海涵

使歸

白頭萬里喜來歸，小院深、過客稀。睡起無題，閒錦棠春，采
多病怯羅衣。流鶯亂蹴殘紅，潘乳燕爭嘶。落絮飛、莫道山房
渾寂寞，卧聽小女學鳴機。

題彌氏杏林卷後

陳中台名植吉州人江西進士

彌子洲前萬杏花，一壺仙隱自成家。抄書簷下分清露，洗藥
溪邊踏錦沙。布素屢煩卿相揖，劍芒猶拂斗牛斜。曲江又發
明年會，我樹何由見倚霞。

次友人感興

劉成工名玉汝廬陵人江西進士

常期冠冕洽朝臣，豈意干戈老此身。耿々泉阿埋地底，盈々
牛女隔天津。誰憐潦倒長為客，自惜娉婷不嫁人。寓跡城闈
聊自適，琴床書几淨無塵。

九江逢故人

九江、水抱城迴，洶湧回濤亦壯哉。雨散淮濱，隨地足雲移。
廬阜向天開，曳裾郢子長為客。待詔公孫已擢魁，邂逅他鄉
急呼酒樓頭。今日早秋來。

中秋對月

劉伯琛名倩玉

十年對月干戈裏，忍向尊前更浩歌。光滿又逢新節序，影微
難驗舊山河。霓裳猶記開元曲，桂籍空懷進士科。矯首廣寒
宮闕近，欲將消息問姮娥。

寄邁里古思院判

吉雅謨丁

將軍辛苦事戎行，麾下論兵揜俊良。沙漠蘇卿多感慨，鑑湖
賀老自清狂。風塵滿眼青山舊，天地無私白髮長。萬里君親
俱在念，扁舟何日賦滄浪。

遊定水寺寄杜堯臣

水紋藤簾竹方床
山閣重陰雨後涼
新月梧桐秋未老
孤燈幾行夜初長
白魚入饌松醪熟
紅稻供炊笋脯香
雲樹芝泉隨處好
一時清賞肯相忘

題九靈山房圖

愛理允中

名沙回回人翰林應奉

夢裏香山十載違
丹青只尺是耶非
墨池新水春還滿
書閣晴雲晚更飛
張翰見機先引去
管寧避亂久無歸
人生若解幽棲意
處處丘園有薜薇

題前徐姚州判官葉敬常海墘遺卷

潮汐東來勢蹴天
一堤橫得萬家全
陵遷谷變人誰在
海晏河清事獨賢
曉日山川神禹跡
秋風禾黍有虞田
河渠他日書成績
應並宣房與代傳

脫太師

丁守中

淮海重聞斧鉞聲
一時黎庶盡傾心
雷霆震響播天威
遠雨露恩添帝澤深
暗有蠅污白壁明
廷無象鑄黃金
風塵未息英雄死
坐對江山慨古今

靳公子

甲朝公子多才俊
瀟洒風塵獨靳侯
白燕久無天上信
黑貂漸弊雪中裘
虛堂麈影進書別
館燈光淡秋對
手深盃須剩飲
醉鄉消得古今愁

寄胡敬文縣尹胡遂初真人

全楚英材集士林
十年兵革盡消沉
崑岡火後餘雙壁
錦里書回抵萬金
鳧鳥趨朝天闕近
霓裳展曲月宮深
誰知海上垂綸者
去國長懸萬里心

寄昌國濟汝舟長老

西江禪伯住東溟境接蓬萊地有靈析水秋濤浮座白扶桑
朝影拂簷言直已無鶴近雲間錫祇有龍聽月下經李白騎鯨
天上去題詩誰復扣岩扃

遊禪室與蘇伊舉話舊有感

不學揚雄事草玄且隨蘇晉暫外禪無錐可卓香巖地有狂
難攀祀國天謾託丹霞燒木佛誰憐玉露泣銅仙茫々東海
昔魚鱉河東堪容魯仲連

贈李止水道士

玄元孫子玄都客笑傲三湘七澤間黃鶴白雲迷那在青牛
紫氣滿函關袖中寶劍雌雄合鼎內金丹大小還不見吹笙
王子晉秋來幾度候緱山

贈九靈先生

挾海懷山謁紫宸擬將忠孝報君親忽從華表聞遼鶴知抱
遺經泣魯麟喪亂行藏心似鐵蹉跎勲業豈如銀萬言披
今無用閑向林泉紀逸民

瑞萱堂為原道兄弟賦

手種叢芳孝感深陽和隨見破窮陰侵陵雪色雙華萼報答
春暉寸草心踈翠近分書帶碧嫩黃遙映壽觴金忘憂坐對
高堂晚更聽堦堯奏好音

夢得先妣墓

窮冬風雪正交馳獨扣泉扃訪母慈極浦空江泥滑荒岡
斷隴塚曩那知恍惚魂歸夜正是呼號淚盡時孝格皇天
吾豈敢醉同烏鳥報恩私

題鳳浦方氏梧竹軒

鳴鳳曾聞此地過至今梧竹滿丘阿政思前葉書周史却恨
翻枝入楚歌金井月明秋影薄石壇風細晚涼多中郎去後
知音少共負奇材奈老何

腐儒

落魄乾坤一腐儒生逢四海日艱虞異邦作客歌黃鳥空谷
懷人詠白駒豈有縱橫千七國亦無詞賦儼三都時危那敢
辭貧賤第恨長年走畏途

避地

避地長年大海東蕭條生事野人同深春耒耜孤村雨落日
帆檣遠浦風那得文章借隱豹聊將音問託歸鴻平生自恨
無仙骨五色蓬萊只尺中

別四明親友

春雨晴時春水生春風搖蕩別離情柳條弄色已把鶯語
怯寒猶未明白雪翻聲歸錦軸紫霞流影入瑤觥當江打鼓
放船去長揖同袍好弟兄

九日登定海虎蹲山

東海十年多契闊西風九日獨登臨天高雲淨鷓初度水碧
沙明龍自吟籬下菊花憐我瘦盃中竹葉為誰深凭高眺遠
無窮恨去國懷鄉一寸心

寄定水寺西堂鉉宗鼎長老

開士幽棲何處是一庵瀟灑傍雙峯彈琴夜和鳴臯鶴唳鉢
朝降渡海龍萬里思家瞻北斗十年學道事南宗故人海內
俱星散憶爾山中冰雪容

送進士都堅不花出宰三山

龍沙公子龍頭客錦繡胸襟玉雪顏一日蜚英驚四海九天承寵宰三山花前封印青春醉槐下鳴琴白晝閑守令近氏勤聖念旦須報政五雲間

勉戴玄學

才名籍甚冠時髦愛爾青年氣獨豪千里共誇驥足九苞爭覩鳳皇毛月中抱桂雲生履天上看花日映袍宦達每由稽古加夜窓燈火莫辭勞

寄張廷言

千里關河阻重兵兩煩書札見深情故人我久知張祿處士時多忌禰衡闕世正當思豹變出關何必待鷄鳴莫嗟才難為用天運行將返治平

秋夜宿定水寺天

寂寂雙峰映澗流重來托宿敞雲樓窓涵虛白三更月簾捲空青一色秋頗有高情酬勝賞可無奇句入冥搜天風開徧巖前柱誰為蒸香寄澹遊

澹然齋為慈溪潤上人賦

寂寂禪扃掩晝陰阿師道味此中深一塵不涉冰霜操萬境俱空水月心駐袞寒香生小徑捲簾秋色上疎林莫愁客至無清供玄酒盈樽好共斟

悠然軒為慈溪救上人賦

香消靜室定回時真趣忘言祇自知雲淡風輕天蕩之為飛魚躍書遲之傳來西竺元無法坐對南山或有詩不是淵明來入社百年誰與共襟期

清勝軒為姑蘇潤上人賦

繞屋松杉手自栽重陰長日護蒼苔一溪窈窕花間入三徑
參差竹下開夜半霜鐘寧假蓬秋深月鏡本無臺主人定起
焚香坐何處扁舟棹雪來

興子景為平江韞上人賦

尺樹盆池曲檻前老禪清興擬林泉氣吞渤澥波盈掬勢壓
崆峒石一拳彷彿烟霞生隙地分明日月在壺天旁人莫訝
胸襟隘毫髮從來立大千

送詹光夫之雲南通海校官

儒官跋涉敢辭勞直以詩書化不毛盛世用文興禮樂望官
接武真英髦密依壇木登絃誦獨對山茶設醴醪會見毓才
功第一歸來宮錦賜新袍

寄見心長老

上方借榻動經春道義交情久更親滌器每憐司馬病卓錫
不厭仰山貧茶煙隔座論文夜花雨霑筵聽法晨一自天香
通鼻觀六根無處著纖塵

題昌國普陀寺二首

神鼇屹立戴崔嵬俯瞰滄溟水一杯積翠自天開卷畫布金
隨地起樓臺祈靈漢使乘槎到傳法胡僧折筆來若使祖龍
知勝既豈應驅石訪蓬萊

奉寄王宣慰兼呈九靈先生

別館新成足宴遊珊瑚環珮總名流獨推南郭為高士共識
東陵是故侯天上鷲花三月夢人間風雨五更愁行藏盡付
浮雲外爛醉豐年黍秣秋

夜宿染上人溪舍

雲去禪關戶牖空。清溪碧樹有無中。倒涵天影魚吞月。逆戰秋聲犬吠風。見性本圖先作佛。勞形翻愧早成翁。杜陵老去歸無計。來往那辭惱贊翁。

獨松庵老僧

獨撫長松晝掩扉。歲寒高節想無違。茯苓春暖供齋鉢。蘿薜秋清製道衣。雲暗碧山龍起蟄。月明蒼海鶴來歸。淨瓶滿貯菩提水。恐有人參第一機。

次小孤山

峽束千雷怒擊樞。危峰屹立殿巖瀾。山臨廬霍朝三楚。水落荆揚限九江。鎮海重關當第一。擎天孤柱故無雙。瓊環月夜知何處。露濕蓬萊玉女窓。

題風雨歸舟圖

肯向滄浪吊獨醒。中流風雨正揚舲。江空風捲潮頭白。野曠雲迷峴首青。挂席正思遺珮浦。推蓬已過濯纓亭。襄陽耆舊今安在。撫几長歌對畫屏。

奉次虞侍講先生見貽韻

玉堂氣跡若浮雲。無奈雞林遠購文。推轂近聞推漢士。避名寧計却秦軍。芝亭花發春醪熟。鴻閣詩成夕磬聞。一飯未嘗忘北闕。鼓琴誰識和南薰。

故宮人

將愁香怨不勝情。強整殘粧對老兵。別殿金蓮餘故步。後庭玉樹變新聲。眼穿鴈字雲連塞。夢斷羊車月滿城。天上桃開王母去。世人誰識許飛瓊。

